


瀛


環

志

略

# 奧地利亞國







奧地利亞國

奧地利亞

阿士得釐亞○奧斯的里亞○阿士氏拉○歐羅巴塞特里阿○莫爾大未亞○東國○雙鷹國

大國也其商船初抵粵東時旗畫雙鷹遂訛稱爲雙鷹國北界普

魯士義羅斯南界土耳其抵亞得亞海隅意大里亞各國西界瑞

士暨日耳曼各國東西三千一百餘里南北一千八百餘里其地

古時爲勒西亞諾力加巴訥尼亞等國羅馬征服之後爲北狄所

據唐貞元間佛郎西取其地立爲別部元初日耳曼有酋羅爾德

福者號聰敏攻獲舉地日耳曼各部推立爲王稱爲東國然疆土

褊狹無大權傳至阿爾麥配匈牙利女主匈牙利因合於舉驟益

疆土數千里遂爲大國明正德十四年國內亂時西班牙王查理

第五賢能得民譽。日耳曼諸部招之來壘。奉以爲日耳曼王。王治軍行法聲威大著。佛郎西來攻。王與戰破之。禽佛王。徙之西班牙。佛人以金贖之。乃放還。嘉靖四年。復得伯閔地。卽不威迷爾疆土愈廣。查理第五歿。其弟嗣位。明於法律。簡任廉能。國大治。時意大里衰亂。帥師伐之。割其北境。圍羅馬一年。城幾陷。意大里諸部皆臣服。由是日耳曼稱霸西土。萬曆四十六年。王匪耳地難嗣位。先是查理第五尙天主教。禁耶蘇教。至是臣民復有從耶蘇教者。王禁之甚力。違者加以刑。臣民合黨攻王。王誅滅之。遂舉國奉天主教。無敢異。康熙三十九年。日耳曼各部皆自立爲王。從此東國稱臬地利亞。不復稱日耳曼。時西班牙王歿。無子。壘王以爲其宗國也。欲

立其子。而佛郎西王欲立其孫。兩國構兵十餘年。佛王卒立其孫。爲西班牙王。康熙四十九年。王查理第六嗣位。委政臣下。尋歿。無子。傳位於女。女聰敏能持國柄。治軍嚴整。隣不敢侵。女主歿。王約色弗第二嗣時。波蘭衰亂。王與義羅斯普魯士瓜分其國。由是幅員之大。遂洗洋於西土。王好耶蘇教。廢天主教。天主教之黨欲爲亂。王悸歿。嘉慶年間。佛郎西拿破侖得國。恃兵力征伐四隣。日耳曼列國皆納款。舉屬藩。比利時亦被侵割。詳比利時圖說而不爲之下。佛無如之何也。拿破侖既敗喪。嘉慶二十年。歐羅巴諸國各遣公使赴維也納。奧地利都城會議。凡佛郎西摧破各國皆申畫疆圻。重定盟約。以日耳曼列國雖各復故土。而散弱不能自立。乃議立公會。聯



結爲與國。以奧爲會盟之長。日耳曼列國之主時來朝議國事。奧嘗與土耳其構兵三十年。講和而罷。其國大勢分四部。曰日耳曼地。奧之故土也。曰意大利地。曰波蘭地。後來之所割據也。

奧地利之日耳曼故土。在日耳曼列國之東南。山嶺重疊。產水銀。硃砂。鐵。草場豐廣。每歲所產牛馬羊以萬億計。有多惱大河可通舟楫。地分五部。○奧地利亞內分兩部。南曰上奧地利亞。北曰下奧地利亞。都城在下奧地利亞。曰維也納。一作危阿納。又作味隱。居民三十萬。王宮閼麗。王自奉甚約。不尙體統。與百姓往來如家人。其民以此親附。俗重紡績。產布帛最多。女子美姿容。淫佚無閨教。附近有

其耳城居民三萬六千。有書院藏書七萬冊。○的羅爾。一作地在羅里

兩舉地利之西。遍地皆山。會城曰音斯不羅各。一作其民以獵為

生。或擔負傭趁四方。性慤直而多力。當佛郎西來侵。此土之民奮

力擊退。稱為義勇。○義士的里亞。一作以在上舉地利之西南。會

城曰加拉德斯。一作來八居民一萬一千。其山洞穴玲瓏。巖袖重複。民

以造磁器織綢緞為業。○壹黎里亞。在義士的里亞之東南。會城

曰的里也斯德。一作得利益在亞得亞海隅。為地中海大埔頭。居民四

萬。每歲出入之船八千隻。○不威迷亞。一作伯閏又作波希米在下舉地利

之北。舊本日耳曼列國。為舉所滅。地形如釜。其外山嶺界隔。其中

川谷深邃。土田之沃。為舉上壤。會城曰巴拉加。產五穀。牲畜銅鐵

麻。居民善造玻璃器。運行四方。獲利無算。地有書院。習文藝者八

百餘人。○摩拉維亞。

一作默隣

在不威迷亞之東。壤地僻小。所產麻呢

布甚多。會城曰阿里木。極堅固。○以上各部皆入日耳曼同盟公

會。應出兵九萬四千八百。

詳日耳曼列國圖說

奧地利之意大里地。總名倫巴爾多。威尼西亞。奴分兩部。○米蘭。

在的羅爾之南。東南際亞得亞海。幅員較廣。其地山水佳勝。有天

主廟。肖像最巨。闊二十七丈。高三十三丈。西土以爲異觀。會城居

民十五萬。所轄百義城。居民三萬。額摩拿城。居民二萬六千。曼土

亞堅城也。嘗爲他國所攻。久圍不能下。罷味亞城。居民二萬一千。

羅地城。居民一萬八千。皆意大里名邑也。○威內薩。

一作臨亞得非匿

亞海幅員甚狹而戶口極繁。古時爲地中海最大之海口。萬艘鱗集。握全海之利權者。千有餘年。今已衰廢。貿易無多。居民尙十萬一千。城建水中。街衢皆小河。飛橋橫跨。不礙舟行。所屬巴士亞。居民五萬。內有書院。肄業者三百人。味羅拿。居民五萬五千。味晉撒。居民三萬。燕地拿。居民一萬八千。

奧地利之匈牙利地。

一作翁給里亞。又作寒牙里。又作博厄美亞。又作班那里阿。

在國之東界。

古時匈奴有別部。轉徙至此。攻獲那盧彌地。於趙宋咸平年間立國。稱雄一時。久而寢衰。明建文年間。女主伊利薩麻嗣位。配塞王阿爾麥爲夫婦。時匈牙利爲波蘭所攻。土耳其屢侵南境。皆賴塞地利兵力退敵。保疆遂挈國合於塞。其地幅員倍於塞本國。半山。

半土多惱河橫流其間。山出金銀銅鑛。每歲得金一千餘觔。銀四萬餘觔。土得穀田五萬頃。草場七萬五千頃。林九萬頃。園六萬頃。產五穀牲畜。葡萄酒麻丹參。蜜俗不剪髮。編辮戴小圓帽。外加闊邊帽。服色尙藍。與歐羅巴諸國迥異。地分五部。○匈牙利內分兩部。曰下那盧彌。曰上那盧彌。會城在下那盧彌。曰伯堡。匈之舊都也。建於多惱河濱。居民四萬一千。所轄曰伯息。居民六萬一千。牲畜互市之地也。附近有補地城。居民三萬四千。仲匿。居民一萬七千。半以攻鑛爲業。產銅尤多。阿丁堡。居民以釀酒養猪爲業。每歲售猪八萬。刺固城。地當衝要。土耳其數來攻。五廟邑。爲自古文儒聚會之區。得伯新邑。互市之地也。士額丁。居民三萬。勤於農作。產

煙草。○達郎西里瓦尼亞。又名七山。在匈牙利之東南。山嶺高際。霄漢出金鐵礦。會城曰黑曼。居民二萬。所屬冤城。居民三萬。與土耳其互市。極繁盛。有書院。肄業者一千二百人。○哥羅瓦西亞。一作刺可在匈牙利之南。七山之西。會城曰亞哥耶。其民勤於農作。悍勇過人。舉人募爲游兵。能破強敵。產五穀煙草。○斯加拉窩尼亞。在哥羅瓦西亞之西。會城曰挨塞。各土俗與哥羅瓦西亞同。以上三部。南界皆隣土耳其。各練農民爲鄉勇。土人來侵。則合力禦之。○達爾馬西亞。一作塔馬在亞得亞海濱。與壹黎里亞相接地。形狹長。土磽瘠。不足於耕。民多捕魚。或爲海盜。會城曰撒刺。戶口甚稀。山產藥材。巖間出野蠶蜜。所屬加他羅城。壁堅池深。號爲險固。

舉地利之波蘭地曰加里細亞一作牙里西地平坦有沙磧多林薄熊

狼所宅獵者殺之獻其皮官為給價其土鹵可以煎鹽民惟務農

不解紡績衣食皆粗糲會城曰稜卑爾各一作隣山內有書院○布哥

維納本土耳其地舉割得之因與加里細亞毘連故附波蘭部境

土數百里會城曰達爾奴波羅居民九萬三千城內多廟宇僧尼

甚眾其民長於貿易雖隸於舉而自有酋長主國政

按日耳曼全國時以舉地利為共主諸部如畿內之侯當查理

第五之代興也據佛王服羅馬兼荷蘭聲靈赫濯幾於霸矣惜

乎力崇天主教而仇視耶蘇教詳荷蘭圖說啓累代之兵端開殘殺


之劫運則貽謀之不善也厥後日耳曼列侯皆自王其國無復

臣主之分。舉地利。疆土之恢闊。雖數倍昔時。而聲威則遠遜矣。今西土論國勢者。英吉利第一。佛郎西第二。俄羅斯第三。舉地利第四。





# 普魯士圖







普魯士國

普魯士

普魯社○蒲魯士○部魯西亞○不魯西亞○埔魯窩○破魯斯○破魯西○圖理雅○比阿爾彌亞○單鷹國○

亦歐羅巴大國。亞於奧地利亞。東稱爲單鷹國。亦因其商舶所  
畫之旗而得名也。北距波羅的海。東界俄羅斯。南界奧地利亞。西  
雜日耳曼列國。界荷蘭比利時。東西約二千一百餘里。南北約一  
千一百餘里。其地古時爲北狄所據。南宋時日耳曼人征服之。立  
爲別部。後爲波蘭所兼并。明萬厯間日耳曼之巴郎德不爾厄部  
復取其地立國。奉職忠謹。日主悅之。屢益以地。康熙三十九年乃  
自王其國。其王長於諧畧。節衣嗇食。帑藏豐盈。子非哩特第二嗣  
位。推武有大志。屢勝強敵。擴地愈廣。王卒姪嗣位。淫佚無度。沈湎

於酒國勢驟衰時佛郎西拿破侖得國嘉慶十一年以大兵伐普王啡哩特威廉第三初嗣位力不能禦佛人割其境土之半普遂削弱後六年普民不悅佛政思故主王因民之怨佛也與諸國合縱攻之佛師潰而棄地普遂復其故土王乃增修國政勸農工設學館惠商旅由是百姓親附隣國之民皆喁喁慕義遂爲西土顯國其國大勢分東西兩土共八部有在日耳曼界內者有侵略他國得之者其制民及歲者工入肆秀入學否則罰其父母年二十以上男丁皆入伍學藝三年放歸每歲秋操閱賞罰之故其國兵多而強額兵計十六萬五千內宿衛一萬八千騎兵一萬九千炮手一萬五千七百步兵十萬四千別有民壯三十五萬九千二百

舉國尙耶蘇教。

普魯士之東部。首日巴郎的不爾厄。

一作班丁堡

境內阿得河縱橫交

流。沿河沮洳。草場豐茂。便於牧畜。餘地平坦。多沙磧。故田不足於

耕。松櫟處處成林。材木無缺。都城曰百爾靈。

一作伯靈。又作木爾林。

周三十

六里有十五門。二十二市。居民二十二萬。皆奉耶蘇教。城內有孤

子院。收養惇獨。有醫院。居旅客貧民之染疾者。有武藝院。教擊刺。

有文學院。肄業者一千六百餘人。有軍器局。貯大炮。王殿長四十

六丈。闊二十七丈。高十丈。規模極宏壯。百官之居亦整潔。百工諸

術各有學院。鐵器最精工。細若金銀。所造磁器尤良。堅緻不亞華

產。而價甚廉。大呢羽緞布帛山積。遠客咸來貿易。故稱西土大都。



會所屬谷丁堅城也。蘇邑稟土老皆屬邑之豐美者。○波美拉尼

亞

一作破

在巴郎的不爾厄之北。臨波羅的海。其南土田肥沃。其

北近海窪下多沙阜。出琥珀。土人得之。用以嵌飾寶器。產木料麻

五穀。會城曰斯德丁。

一作土得丁

在阿得河濱。河流深廣。海舶可以出

入。以此估帆雲集。貿易繁盛。郊外長大之海口。稱為瑞隱口。所屬

率他港城。在波羅的海濱。居民一萬五千。麥與綿羊毛由此出。運

城最堅。敵屢攻之不下。其將誓曰。懸此城於天堂。我亦必取之。已

而竟不能破。額林城有書院。招進四方之遊學者。吉林城在海濱。

有通衢廣廈。文士所居。薩牙居民七千。厦屋雲連。稱為大邑。北勒

居民四千。城外有池。初入耶蘇教者。往受洗禮。以此名著西土。其

地土脈腴甚。穀麥有餘。出糶遠方。罕比近海。有小河可通城內。居民多以琥珀造奇器。○細勒西亞一作治勒在巴郎的不爾厄東南。山嶺橫亘西南。阿得河由此發源。其土大半膏腴。可耕之田六萬九千頃。然常患人滿。穀不足。資接糶於他部。產絲最細。足供機杼八千綿羊毛甚豐。售於英吉利。山產鐵。每年得一十五萬石。銀二千六百七十斤。會城曰北勒斯勞。一作伯老居民八十萬六千。百工畢集。文儒萃焉。河濱列城五。曰瑞匿。曰勒匿。曰額刺。曰敦告。曰匿士。皆有金湯之勢。○薩克索尼亞。一作薩普在巴郎的不爾厄之西。與日耳曼各部牙錯。日耳曼小部有包括於境內者。地產五穀羊毛。其民溫和好禮。奉耶蘇教甚篤。會城曰馬得不爾厄。一作隣得堡壘高池深。

屢捍大敵。居民三萬二千。所屬哈勒有大書院。肄業者千餘人。別有廣廈。收養孤獨。吉令堡。昔爲天主教女尼所掌。今居民奉耶蘇教。毀其祠宇。○普魯士部。在國之極東北境。臨波羅的海。與義羅斯連界。其國以此部之名爲國名。地分東西兩部。夷坦無山。產五穀。堪出糶。松椽高大。材中舟楫。半售英國。會城曰哥尼斯北爾。一作山居民六萬三千。城週二十七里。空闊難守。所屬但澤城。在河澤河相連之海口。居民六萬。貿易甚繁。每歲入口之船千餘。運麥糶於他國。其城嘗爲敵所圍。亡失甚多。北境有城曰墨麥。與西國通商。又得實城。極廣大。嘉慶十一年。與佛郎西議和。於此益平。城係大海口。每歲入口之船一千四百。○波森。一作波新在巴郎的不爾厄。

之東。本波蘭地。普與義舉兩國瓜分得之地。出五穀。無別產。會城曰波森。街市寬廣。居民二萬五千。當普人初據其地。民懷故國。多怨思。普治以惠政。民乃胥悅。其俗尙崇天主教。

普魯士之西部與東部不相連。中隔日耳曼數小國。地分二部。南

曰維士德發里亞。

一作西法里

多大澤叢林。居民以漂麻織布爲業。善

造火腿。銷售遍於西土。會城曰閔士得。俗尙天主教。○北曰勒那

納。

一作如勒

又分兩部。曰上萊尼。曰下萊尼。上萊尼沿河傍山。會城曰

哥羅尼亞。

一作可倫

在萊尼河濱。居民五萬。善造鐵器。織綢緞布疋。所

製香水最佳。河內販運之舟往來如織。所屬木城有大書院。益百田戶口繁密。百工萃處。突鄉在萊尼河濱。城內街衢闊朗。多廣廈。

名園○下萊尼在上萊尼之西南與維士德發里亞毘連山水清  
麗時有遠客來遊出葡萄酒五穀缺乏會城曰谷隣亦在萊尼河  
濱所屬得味居民一萬二千其城最古亞金居民三萬二千勤於  
紡績○普魯士東西八部除普魯士波森兩部外餘六部皆入日  
耳曼同盟公會應出兵七萬九千二百

歐羅巴人皆稱普魯士爲善國強大不如奧地利而修政睦隣  
不事搜伐則遠過於奧○啡哩特威廉第三遭強隣之難轉收爲  
功有衛文大布大帛之風其治軍亦得古人寓兵於農之意豈  
可以荒裔而忽之哉○


日耳曼列國圖

哥魯士東部

薩克索尼亞之西接塞加塞爾之東有薩克索所分五國曰威馬爾曰薩克微各不爾尼爾連曰薩克微亞爾敦不爾尼曰薩克微梅敦紐西接塞加不爾尼地界或耶或斷錯綜相雜不能盡釋又安拿爾三國留斯三國地界皆分數處錯雜列國之中亦未能盡釋也




大西海洋





接上







日耳曼列國

日耳曼

阿勒曼○阿理曼○亞里曼○占曼尼歐羅巴古大國也

耶馬尼○熱爾麻尼○亞勒墨尼亞

其地縱橫皆數千里北扼波羅的海南踐地中海爲歐羅巴之中

原上古時五方之民雜處分數十小部羅馬盛時征服之尙未盡

入版圖佛郎西既興其王甲利泰甫

一作加爾祿斯馬哥奴

攻滅日耳曼諸

部地隸佛版百餘年梁乾化元年部人畔佛復推佛郎哥尼亞酋

長官拉多爲王王不世及惟衆所推薩克索尼亞佛郎哥尼亞蘇

亞維亞三部之酋先後據王位元初舉地利亞酋長羅爾德福爲

王能服衆由此繼序不復推至明初日益強盛聲威四播幾與羅

馬代興康熙三十九年各部皆自王其國不相臣屬塞地利既并

兼坐大普魯士亦拓地稱雄兩國皆自有名不復稱日耳曼所餘  
迤西一片土分三十六部稱王者四餘以次遞降如中國之公侯  
伯大者千餘里小者乃數十里東界奧地利亞普魯士西界荷蘭  
普魯士佛郎西北界噠國暨波羅的海南界瑞士意大里南北約  
二千四百里東西約二千二百里嘉慶十一年佛郎西拿破侖以  
兵脅日耳曼列國皆降之部落多所更易後八年拿破侖敗日耳  
曼列侯各復爵土嘉慶二十年各國公使會議於維也納奧地利都城  
以奧地利普魯士本日耳曼所分而噠國荷蘭與日耳曼牙錯合  
四國於日耳曼列國稱同盟四十國以奧地利爲盟長各按戶口  
多寡定兵數每百人應出額兵一名每二百人出援兵一名共三

十萬四千餘。各國公使皆駐佛郎渡。即佛郎克佛爾有大事則會議防兵。

分十二隊。畫地立營。總帥一人。各國公舉。然為帥者多舉地利人。

他國人不敢當此任也。各國語音皆同。有奉耶蘇教者。有仍奉天

主教者。地氣北寒南暖。多腴壤。五穀百果皆宜。花卉亦繁。產金銀

銅鐵錫鉛寶石。玉石花石。赭石。滑石。磁石。陽起石。黑礬。白礬。硝磺。

礪沙磁粉。

巴威也拉。一作巴華里。又作拜焉。在日耳曼東南方。南北一千一百餘里。東

西八百餘里。在列國中。幅員最大。爵稱王。戶口四百七萬餘。公會

應出兵三萬五千六百。昔時嘗與佛郎西結盟。以攻日主。都城曰

慕尼克。一作門占。街市華潔。其民善造細皮。清玻璃。時辰表。工力巧捷。

名播四方。各國皆與通市。其制於七千人中。選明通有識者一人。赴京辦事。謂之事主。有大事則國王會衆事主商決之。初造時辰表之城曰尼林山。又有兩城曰雨山曰渙堡。今雖蕭索。造器之工尙夥。

瓦爾敦巴爾。

一作威丁山。又作味耳典白。

在巴威也拉之西。南北五百里。東西

三百六十里。爵稱王。戶口一百五十二萬。公會應出兵一萬三千九百五十四。境多山嶺。出葡萄酒與各果實。都城曰斯都德牙爾。

一作突甲

薩克索尼亞。

一作撒遜。又作撒孫。

在巴威也拉之北。爲日耳曼適中之地。東

西五百里。南北三百里。爵稱王。戶口一百四十萬。公會應出兵一

萬二千國之南界有大山綿亘與奧地利巴威也拉毘連山產銀  
鑛最王開掘已五百年尙未匱竭昔時西國之銀多出於此地之  
五穀居民夏則攻鑛冬則挾餘資遊四方飲食宴樂資盡而反都  
城曰德勒斯達一作德停王宮與耶蘇堂極宏麗民多養綿羊毛毳細  
軟用織大呢又造磁器甚精不亞中國之產前明時撒有名人曰  
路得能譯解耶蘇意旨別立耶蘇教名以別異於天主教由是耶  
蘇教盛行而天主教之權衰國有大邑曰來責每歲設市二次諸  
國商賈雲集其地所出者書籍鐫印最精各國之文字百家衆術  
之著作無不畢備每年所售無慮數萬億冊價值數百萬圓

亞諾威爾

一作漢那耳又作漢那華又作漢那瓦

在日耳曼之西北境與噠國接壤



南北八百七十里。東西五百四十里。爵稱王。戶口一百五十五萬。公會應出兵一萬三千五十。境內平坦。沙磧居半。惟沿河有沃田。草場兼產蠶蜜。康熙五十二年。亞諾威爾有王若耳治。稱賢德。值英吉利王威廉第三卒。無子。英之臣民招若耳治奉以爲主。子孫承繼。至於今。亞諾威爾別立支子。故亞諾威爾爲英之宗國。百餘年來。依爲唇齒。道光十七年。亞諾威爾內亂。他姓代立。都城同國名有大書院。曰可寧延。收教幼學。聲名最著。西境有亞爾敦不爾厄。幅員頗廣。列國中有薩克撒亞爾敦不爾厄。乃合三邑爲國。合計袤延僅百餘里。與此土廣狹不侔。此土或別有所屬。抑卽薩克撒地。存俟再考。

巴敦

一作巴丁

在瓦爾敦巴爾之西南。北七百里。東西三百四十里。侯

國之最大者。山嶺盤迴。峯巒秀出。風景清華。爲日國之最。爵如上

公戶口一百十三萬。公會應出兵一萬。都城曰加爾斯盧合。一作甲利

安地產麻豆葡萄酒。

挨塞。一作黑西在亞諾威爾之西南。長三百二十里。廣二百里。爵如上。

公戶口七十萬。公會應出兵六千一百九十。都城曰達拉摩斯達。

一作馬因崇埔屹立。炮門環繞。外濬深池。敵不能攻。產麻烟葡萄酒。

挨塞加塞爾。一作黑西與挨塞毘連。長四百里。廣二百五十里。爵

如上。公戶口五十九萬二千。公會應出兵五千六百七十。都城曰

加塞爾。其制幼主不得治事。母后或至戚居攝。俟年十八乃反政。

地多山。產銀銅鐵鑛。

梅略梭不爾厄。一作墨林堡有二國。在北方。一曰斯乖零。長四百里。廣

二百八十里。爵如上公。戶口四十三萬一千。公會應出兵三千五百八十。都城與國名同一曰斯德勒利也斯。長一百八十里。廣一百里。爵如上公。戶口七萬七千。公會應出兵七百十七。都城曰疇爾敦不爾。兩國地平坦饒牲畜。

威馬爾。

一作威密

薩克索尼亞所分國。昔有薩克索王裂國之西界以

封五子。故五子各守封地。不屬於薩克索。威馬爾地錯雜於隣國之中。不相聯絡。約計表延三四百里。爵如上公。戶口二十二萬二千。公會應出兵二千一百。民多穎慧。其君好招納文士。故學業稱盛。都城與國名同。

薩克撒各不爾厄額達。

一作撒可堡

亦薩克索所分地。錯雜於列國之

中不相聯絡。約計袤延三四百里。爵如公。戶口十四萬五千。公會應出兵一千三百九十。地有牧場。山出金鑛。現英吉利女主之夫。博雅那。卽此國之世子也。都城曰各不爾厄。

薩克撒亞爾敦不爾厄。

一作撒黑堡屋

亦薩克索所分。合亞爾敦不爾厄。

羅內不爾厄。挨森比爾各三邑爲國。約計袤延百餘里。爵如公。戶

口十萬七千。公會應出兵一千二十。都城曰亞爾敦不爾厄。

薩克撒梅凝認。

一作撒買凝

亦薩克索所分。長五百里。廣一百二十里。

爵如公。戶口十三萬。公會應出兵一千二百六十。都城曰梅凝認。

其地產鹽。

挨塞烘不爾厄。

一作黑堡

亦薩克索所分。國分兩地。一曰烘不爾厄。一

日美塞內英合計約數十里。爵如伯戶口二萬一千。公會應出兵二百。都城曰烘不爾厄。

拿搔一作拿埽長二百二十里。廣一百五十里。爵如公戶口三十三萬。

公會應出兵三千二十。昔嘗爲荷蘭所兼并。國人逐荷蘭酋復立故主。都城曰維斯巴敦。地產葡萄酒與各果實。夙稱富饒。

不倫瑞克一作保林帥地不相連。有包於普魯士境內者。有括於亞諾

威爾境內者。約計袤延二三百里。爵如公戶口二十四萬二千。公

會應出兵二千九十。都城與國同名。

安拿爾一作安合分三國。一曰德搔。地錯雜列國之中。約計百餘里。爵

如公戶口五萬六千。公會應出兵五百二十。都城同國名。一曰伯

爾尼不爾地錯雜普魯士境內分上下二處約計百餘里爵如公  
戶口三萬八千公會應出兵三百七十都城同國名一日略敦地  
分四處在黑哩巴河之左者二在河右者二約計百餘里爵如公  
戶口三萬四千公會應出兵三百二十都城同國名三國地雖褊  
小而民居密匝城邑相望山水最佳足供遊賞都城各有園亭極  
幽雅。

留斯一作策士分三國一日略勒斯長七十里廣五十里爵如侯戶口

二萬五千公會應出兵二百都城同國名一日意士給利斯衰延  
約數十里爵如侯戶口三萬公會應出兵二百八十都城同國名  
一日羅奔斯的音本與意士給利斯爲一國後析爲二衰延約數

十里。爵如侯。戶口二萬七千五百。公會應出兵二百六十。都城同國名。

斯瓜爾斯不爾。分二國。俱包普魯士境內。一曰盧德耳斯達。長九十里。廣七十里。爵如侯。戶口五萬七千。公會應出兵五百三十。都城同國名。一曰孫德耳砂森。長一百二十里。廣六十里。爵如侯。戶口四萬八千。公會應出兵六百九十。都城同國名。

里卑。

一作立北

分二國。在亞諾威爾之南。一曰德的摩爾。長一百二十

里。廣一百里。爵如侯。戶口七萬六千。公會應出兵六百九十。都城同國名。一曰燒問不爾厄。長八十里。廣三十里。爵如侯。戶口二萬六千。公會應出兵二百四十。都城曰不給不爾厄。

襍爾德略一作長一百二十里廣八十里爵如侯戶口五萬四千

公會應出兵五百十八都城曰哥爾巴士

何痕索勒爾一作分二國皆普魯士王之支庶一曰昔麻認長一

百二十里廣七十里爵如侯戶口三萬八千公會應出兵三百五

十都城同國名一曰挨深認長八十里廣三十里爵如侯戶口一

萬五千公會應出兵一百四十都城同國名

列支敦士敦一作長六十里廣三十里在薩克索南山中爵如侯

戶口六千公會應出兵五十五都城同國名

此外北境尙有小國五皆商賈萃集之地自推殷戶為官司理事

不隸王侯一曰昂不爾厄一作地間隔不相聯約計袤延四五十



里。戶口十四萬八千。公會應出兵二百九十。會城在易北河口。為

各國互市之地。其船時至粵東。一日不來梅。一作北閩包亞諾威爾境

內。衰延約三十里。戶口五萬。公會應出兵四百八十。通商在威悉

河濱。其船亦時至粵東。一日佛郎克佛爾。一作佛郎渡地不相聯。衰延

約三四十里。戶口五萬四千。公會應出兵四百七十。其城臨河。古

時所築。各國公使防兵皆駐此城。每年開大市一次。遠方商賈輻

輳者數千帆。一日盧卑略。一作利北地不相聯。衰延約三四十里。戶口

四萬六千。公會應出兵四百一。日尼發深。周迴僅數里。戶口二千

八百九十。公會應出兵二十八人。


日耳曼界內江河最長者為來因河。由南而北。轉西至噠國界入


海河濱土脈腴潤。產葡萄最良。沿河多名山古蹟。風景清美。時有  
遠客來遊。多惱河亦大水。在日界內橫流如帶。北方則易北河其  
名水也。其民居北方者多強健。性淳良。好學術。南方民風奢侈。日  
惟醉飽無遠圖。西南一帶民多勤苦謀生。力作不倦。界內列侯壤  
地雖小而與諸大國婚媾往來。用敵體禮。其同盟公會條約雖甚  
堅明。然分土既衆。不免蠻觸之爭。遇大敵則心力不齊。難於制勝。  
幸維也納歆盟之後。佛郎西止戈保境。未發難端。或亦慮衆怒之  
難犯耳。

按日耳曼爲歐羅巴適中之地。似中國之嵩維其人聰明闊達。  
西土以爲貴種。其分土列爵似三代封建之制。自各部擁土目

王。舉。地。利。雖。疆。土。日。擴。其。主。之。名。不。復。存。然。小。侯。數。十。傳。爵。土。於。子。孫。而。諸。大。國。無。吞。噬。之。謀。則。猶。有。古。意。存。焉。又。佛。郎。西。英。吉。利。立。國。之。祖。皆。日。耳。曼。人。諸。國。每。遭。喪。亂。輒。招。致。日。耳。曼。列。侯。或。世。子。爲。王。大。國。如。英。吉。利。小。國。如。比。利。時。希。臘。皆。是。也。殆。西。土。王。氣。之。所。鍾。歟。

瑞士圖





[illegible]

# 瑞士國

瑞士

瑞士○東色楞○綏沙蘭○蘇益薩

在日耳曼之南○奧地利亞之西○佛郎西之

東○意大利亞之北○東西約五六百里○南北約三四百里○萬山疊峙○中峯高接霄漢○常積冰雪○歐羅巴大河多由此發源○其地山水清奇○甲於歐洲○西境有官斯丹薩大湖○圍以密林○縈以清澗○豐草芳絳○麋鹿羣游○尤爲幽勝○地產五穀○藥材○所造奶餌極甘香○居民大半以牧畜爲生○夏月驅牛羊入山○秋冬乃返國○無苛政○風俗檢樸○淳良○數百年不見兵革○稱爲西土樂郊○古時地屬羅馬○羅馬衰亂○北狄不爾給農人據之○旋爲佛郎西所有○後爲日耳曼所奪○其民慤勇○日耳曼選爲親軍○臨陣皆効死力○戰元大德年間○日耳曼王



亞里伯爾多苛斂無藝。濟以酷刑。瑞士人不能堪。逐日耳曼守土吏。各推頭人。據險畫疆。告絕於日耳曼。其地斗絕。入健鬪。日耳曼不能收復。亦遂聽之。初分三部。後分爲十三部。皆推擇鄉官理事。不立王侯。如是者五百餘年。地無鳴吠之擾。西土人皆羨之。嘉慶三年。佛郎西攝王拿破侖。時拿破侖尚未卽位以兵力強取。入版圖。改爲十九小部。拿破侖既敗。各國公使會議於維也納。納十九部之外。益以牙錯之日內巴拉牛弗砂德爾。本屬普魯士瓦來斯。本屬奧地利亞三部。共二十部。爲瑞士國。仍其舊俗。自推鄉官理事。酌地勢按戶口拔壯丁禦侮。諸大國不得鈐制。

給里孫在東方長三百五十里。廣一百八十里。戶口八萬八千。應

出壯丁一千六百。地分三邑。曰給里孫。曰加德。曰森給里。至各領以鄉官頭人。

伯爾尼。

一作北耳尼

在腹地。北境抵北方。長三百里。廣二百里。戶口三

十五萬。應出壯丁五千六百二十。巨室殷戶半居於此。鄉官二百九十人。

瓦來斯。在西南。本屬舉地利。割附於瑞。長三百餘里。廣百餘里。戶口七萬。應出壯丁二百八十。鄉官七十六人。

瓦烏的。

一作熱尼瓦

在極西。長一百八十里。廣一百五十里。南界臨官

斯丹薩湖。風景幽絕。城建湖濱。居民造時辰表。每歲得價銀數百萬。洋船販至中國者大半瓦烏的人所造也。戶口十七萬。應出壯

丁一千二百八十。鄉官一百八十人。

德西怒在南方。長一百三十里。廣一百二十里。戶口十萬二千。應

出壯丁七千八百。鄉官七十六人。

桑牙祿在東方。長一百五十里。廣一百十里。戶口十四萬四千。應

出壯丁二千六百三十。鄉官一百五十人。

蘇黎世在北方。長一百二十里。廣一百十里。戶口二十一萬。應出

壯丁三千七百。鄉官二百十二人。

盧撒爾拿在腹地。長一百二十里。廣一百里。戶口十一萬六千。應

出壯丁一千七百三十。鄉官一百人。

亞爾荷維亞在北方。長一百二十里。廣八十里。戶口十五萬。應出

壯丁二千四百一十。大鄉官一百五十人。小鄉官十三人。

弗里不爾厄。在腹地。長一百二十里。廣七十里。戶口八萬四千。應出壯丁一千二百五十。鄉官一百四十四人。

烏黎。在腹地。長一百三十里。廣六十里。戶口一萬三千。應出壯丁二百三十。鄉官十三人。別有副。

孰義的斯。在腹地。長九十里。廣六十里。戶口一萬三千。應出壯丁六百。鄉官三百三十人。

加拉利斯。在西方。長九十里。廣五十里。戶口二萬八千。應出壯丁四百八十。鄉官八十人。

牛弗砂德爾。在西方。本屬普魯士。割附於瑞。長九十里。廣五十里。

清野元集 卷五  
戶口五萬一千。應出壯丁九百六十。普魯士官四十五員。鄉官三十人。會同議事。

獨爾荷維亞在東北。長一百里。廣八十里。戶口八萬一千。應出壯丁一千五百二十。鄉官一百人。

翁德爾瓦里的在腹地。長八十里。廣六十里。戶口二萬四千。應出壯丁三百八十。地分上下二邑。各推鄉官理事。

梭律勒在北方。地形槎枒。半在伯爾尼界內。長一百二十里。廣八十里。戶口五萬三千。應出壯丁九百。自推鄉官理事。

巴勒一作巴悉在北方。長八十里。廣五十五里。戶口五萬四千。應出壯丁九百八十。鄉官一百五十人。有大書院。名最著。文儒所萃。能宣

布耶蘇教旨

亞奔塞爾在東北。包桑牙祿界內。長八十里。廣六十里。戶口五萬五千。應出壯丁九百七十分。內外兩邑。各推鄉官理事。

砂佛塞在極北方。牙錯日耳曼界內。長七十里。廣四十里。戶口三萬。應出壯丁四百六十。鄉官七十四人。


日內巴拉在西方。本屬普魯士。割附於瑞。長七十里。廣約三四十里。戶口五萬二千五百。應出壯丁八百八十。鄉官二百七十八人。蘇克在腹地。長五十里。廣三十里。戶口一萬四千。應出壯丁二百五十。自推鄉官理事。

按瑞士西土之桃花源也。懲碩鼠之貪殘。而泥封告絕。主伯亞

旅。自。成。卧。治。王。侯。各。擁。強。兵。熟。視。而。無。如。何。亦。竟。置。之。度。外。豈。  
不。異。哉。花。旗。人。甘。明。者。嘗。遊。其。地。極。言。其。山。水。之。奇。秀。風。俗。之。  
淳。古。惜。乎。遠。在。荒。裔。無。由。漸。以。禮。樂。車。書。之。雅。化。耳。

# 土耳其圖





靖以後嗣王多昏庸醉飽殘殺骨肉。以此篡弑頻仍。稱爲亂國。後  
宮常五六百人。初生子者爲后。回回教主持國柄。作威福。諸大酋  
守地者。膝膺血以自肥。橐滿則王賜帛自絞。而簿錄其家。蓋西國  
之昏虐無政。未有如土耳其之甚者也。初土耳其既得三土之地。  
各分部落。領以大酋。名曰巴札。地廣權重。漸成尾大。東土尤爲遠。  
難制。康熙中。其王達哈荷麻孱弱。不綱。諸巴札專制一方。名雖爲  
臣。徵調多不應命。東偏之亞爾美尼亞。古爾的斯丹。皆衣租食稅。  
不供王室。巴必羅尼亞部。卽美索不達迷亞部巴札阿墨。嘗據地以叛。土王  
那達沙征之累年。不能取。至塞黎慕嗣位。始於嘉慶八年。戰勝收  
復甫二載。新立之巴札又叛。塞黎慕親征。中流矢死。如德亞。卽猶太

之巴札亦跋扈不共命土無如之何也。中土買諸部爲土興基之地。部民多韃靼種。尙勉供賦役。而西土諸部近接王都。弄兵者接踵而起。南境之希臘已裂土爲敵國。另有圖說近年自立爲小國者。又有三部。此外藩國波斯早易姓天方。即阿刺伯亦隔絕在阿非利加北境者。阿爾及耳已爲佛郎西所滅。惟突尼斯的黎波里尙通朝貢。麥西爲海南上壤。舊設巴札。近年其巴札叛土。攻取東土諸部。勢將內犯。英吉利佛郎西勒兵勸和。乃分土稱外藩。四國詳阿非利加圖說其王自塞黎慕東征不復。國人立慕斯德發。未一載廢之。嘉慶十三年立馬痢美德。在位年久。勢益奄奄。蓋其國中衰已百餘年。今則岌岌乎有亡徵焉。徒以世臣夾輔。又與英佛諸大國合縱。故尙

得苟延歲月耳。北隣之俄羅斯大國也。與土耳其其中隔黑海東西

壤地相接。乾隆中土耳其與之構兵。

西域間見錄所云與俄羅斯構兵之控噶爾即土耳其也

已詳俄羅斯圖說

前後數十年始猶勝負相當。繼則累戰累北。乾隆五十

四年土王塞黎慕為俄羅斯所敗。割地以講。後俄羅斯大舉來伐。

佛郎西救之乃免。自是多惱河一帶烽燧頻警。奔命不遑。道光六

年土人侵俄南境。戰而敗績。俄以大兵圍其都城。國幾亡。英佛為

之講和。俄兵乃罷。

土耳其西土古希臘十二國之地。

詳希臘圖說

北界俄羅斯。舉地利亞。

南抵地中海。地形入海之處。界希臘國。東界黑海。東南與買諾隔

一海峽。

峽名他大尼里。後漢書大秦傳所云有飛橋數百里可度海。北諸國即指此峽也。寬止數里。黑海地中海由此相通。

春秋時波斯王澤耳土伐希臘嘗造浮橋以渡軍相傳古時有石橋圯廢久矣西抵亞得亞海隅縱橫各

二千餘里南北高嶺橫亘多惱河縈帶其間地多山少平土南界

海灣四凸島嶼紛羅地爲歐羅巴初朔之土土耳其以兵力強取

之其民本習天主教不樂回教又不堪土之苛斂近年已成四分

五裂之勢所產者棉花煙草葡萄南果羊毛之類地分八部○建

都之部曰羅美里亞

一作路默利

其民多土耳其種族性強悍樂於戰

鬪輕死生重然諾不禁鴉片人多羸瘠都城曰君士但丁建於黑

海峽口之西岸本羅馬東都土耳其滅東王遷都於此更名曰士

但不城極大內有王宮殿宇崇闕城外海港深廣商舶輻輳匝岸

萬厦雲連各國使館在焉多瘟疫火患所轄亞得安城周十五里

內有古殿間間凋敝加利城在馬海灣居民一萬七千商賈互市

之地也○西里斯的黎亞一作不牙在羅美里亞之北北阻多惱河風

俗語音近義羅斯其民勤苦力作奉希臘教會城曰所非居民五

萬陸路通商之地也所轄順刺城形扼山險一夫可以當關爲土

國北門鎖鑰恃此以禦義軍多惱河一帶城堡甚多皆爲備義而

設○波斯尼亞一作不尼在極西北北距多惱河草場豐廣內有山產

鐵甚良居民鑄爲刀劍不堪土之苛政揭竿而起者屢矣○日薩

壹爾一作亞在海濱居民以獵爲生剛猛善戰勇於赴敵稱西土

精兵會城曰藥翰尼拿昔有大酋據地以叛土王連年攻之不能

克○黑坐義地形入海與希臘隣邇地皆山民居巖谷顚患而悍

猛眦匪必報。遠客來則待之甚厚。○塞爾維亞。一作在西里斯的

黎亞之西。波斯尼亞之東北。距多惱河會城曰占盧德師亞。一作別甲

極堅固。其民強武。好鬪。奉希臘教。不樂回教。鈐轄別推酋長起兵。

拒土土不能征服。與之議和。近已自立爲國。納貢於土。○襪拉幾

亞。一作瓦拉基在西里斯的黎亞之北。北阻大山。南距多惱河。縱一千

八百里。橫四百五十里。地形平坦。河流交貫。土沃宜麥。草場豐茂。

牧畜蕃孳。其民奉耶穌教。勤苦力作。而土政苛虐。擠克百端。其地

有大酋。如列國小侯。都城曰不加勒斯多。一作布加力居民八萬。峩羅

斯時擁護之。近已立國。納貢於土。○摩爾達維亞。一作末大味在襪拉

幾亞之北。西有山嶺界隔。地極廣漠。居民五十萬。產五穀。南果葡

荷煙密蠟硝鹽馬牛猪。每歲售馬隣封。可萬匹。其地亦有大酋。如  
列侯。都城曰髻西。一作牙西藉庇於峩羅斯。逃土政之酷虐。近亦立國。  
納貢於土。○干地亞洲在海中。周圍一千五百里。中峻外坦。近海  
多良田。又產橄欖油極佳。其民奉希臘教。不樂土政。據地以畔。土  
王征之二十餘年。不能服也。其島山水極秀。海口近爲沙淤。舟行  
多阻。

土耳其其中土曰買諾亞。細亞極西之地。黑海地中海環其三面。縱  
約千里。橫約二千餘里。南北曰縱。東西曰橫。凡後言縱橫皆倣此。南北峻嶺嵯峨。中多  
腴壤。土耳其起於此土。韃靼種人散布雜居。故土雖中衰。尙無分  
裂所產者。穀麥五金之礦。蠶絲乾葡萄南果酒油蜜香料藥材。地



分六部○亞那多里亞

一作士麥拿

又名小亞細亞三面界海與西土

之羅美里隔一海峽會城居民十萬勤於懋遷西國商賈雲集每

年出入貨價不下數百萬金城內街衢污穢每瘟疫盛行傳染殆

遍所屬大城曰補撒居民六萬大邑曰加士他曰牟尼多回回廟

宇○加拉馬尼亞在亞那多里亞之東土耳其人初來時寄居於

此會城曰可尼土之舊都也○亞達那

一作安戡刺

在加拉馬尼亞之

西南跨山臨海其山之羊毛細如絲用以織布極溫軟○西威斯

一作西氏在加拉馬尼亞之東南臨海山出銅鑛居民善造銅器○馬

拉士

一作右地亞又作路彌阿

東接東土之亞爾美尼亞西連加拉馬尼亞亞

那多里亞兩部北距黑海○德勒比孫達

一作德比遜

在馬拉士之東

北隅。南界亞爾美尼亞。北距黑海。其埔頭爲土耳其與俄羅斯通商之地。○買諾附近。有數島。曰居伯羅島。其土膏腴。所產葡萄酒。南果最良。居民饒裕。女人美姿色。舊稱樂土。近困於土耳其苛政。凋敝甚矣。曰羅得島。水土平良。勤於農作。舊本自立爲小國。後爲土耳其所兼。曰治阿島。地極富庶。居民十五萬。不服土耳其政教。道光四年。土耳其以水師攻之。屠爲赤地。曰米地隣島。產油酒。

土耳其東土。在買諾之東。亦亞細亞地。北枕黑海。東北隅接俄羅

斯。東界波斯。南連亞刺伯。麥西。西抵地中海。縱約二千餘里。橫約

千餘里。東北一帶。大山疊聳。最高者曰阿臘。曰黎巴嫩。阿付臘底

斯河。一作阿倫得。又名八河。發源西北。底格里士河。一作地額河。發源正北。相對

而東南流。至巴索拉合流入海。西南隅有大澤曰死海。本大城邑。遭異災。地陷爲湖。其水鹹惡。周圍皆瘦嶺。枯山。死海之北有湖曰加利利。其地爲泰西諸國。創建之祖。大國名都。代興者凡十數。自爲國部所據。其民種類各殊。在海岸海島者。皆領力西種。卽希臘謂之上等人。居於西里亞美索不達達亞各部者。半阿丹種。卽阿刺伯美善騎長於經商。多素封。居於東北山中者。爲戈達曼種。游牧爲生。健勇好鬪。好虜掠。土俗類韃靼里。謂西域游牧各部居於黎巴嫩山中者。曰馬羅奈底士。曰特魯西士。曰黑爾西。諸種皆回民。馬羅奈底士爲天主教名師馬倫所化。因以得名。阿丹以兵力脅入回教。戶口繁多。其俗儉嗇。特魯西果敢輕生。戰不長平。陸而長山險。烏鎗

從高擊下。發無不中。黑爾西戰鬪最勇。以少敵衆。從未敗衄。土人與義羅斯戰。倚此兩種爲勁旅。諸部地界遼闊。距王都絕遠。自土耳其中衰。守土之酋多擁地自擅。不供賦役。百餘年來。僅僅羈縻。勿絕而已。物產與中土同。地分五部。○西里亞。一作敘里亞。唐書之訛。種皆女子。拂菻遣男子往配之。說乃華人所傳。會荒唐可笑。在地中海東岸。東北距阿付臘。

底斯河南。跨阿刺伯。與麥西接壤。黎巴嫩山在其北境。迤邐入於中土。其地大勢分兩域。迤北曰西里亞。古之名國有海口曰地破里。居民二萬五千。海濱舊有兩大城。一曰士羅西頓。昔時商賈萃集。富者埒王侯。今成廢墟。一曰大馬士革。其地山川秀澈。田園開爽。花卉尤繁。十里外芳馥襲人。迤南曰猶太。猶太舊分三部。曰猶

太曰撒馬利亞曰加利利在秦漢以前為名國都城曰耶路撒冷

唐書稱為拂箚極廣大城內居民逾十萬戶本羅馬屬國後衰亂羅馬以

大兵合圍城破屠之部民星散後再立國卒為土耳其所取因其

為天主耶蘇生長之地故至今猶豔稱之道光十六年麥西魯叛

土王以兵取西里亞美索不達迷亞二部二十年英人助土耳其

將興兵麥西乃還其土○美索不達迷亞一作磨俗隣即巴必羅尼亞在西里

亞之東北倚黎巴嫩山兩河迴繞阿付臘底斯河底格里士河為東土中原唐

虞時有諾威者居此為泰西諸國之始祖其地半河半澤農力勤

苦境內有八塔者昔回部都城亞刺伯據東土時藩國今成廢墟又巴庇倫

者一作巴必羅尼亞古大國都城廢滅已二千餘年瓦礫猶積成岡

卓○古爾的斯丹。一作科爾力士丹又名野哈馬在美索不達迷亞之東。

地多山瘠。陜難耕。部民多游牧於韃韃里。會城曰亞勒破。居民逾

十萬。道光二年。毀於地震。不遺一椽。由此餓殍遍野。○亞爾美尼

亞。一作亞麥尼在古爾的斯丹美索不達迷亞兩部之北。阿臘山在其

境內。峯壑險峻。洞峽幽深。水漲則巨舟泊於峯。當雲擾時。其地被

兵絕少。故戶口較他部獨繁。其民半奉耶蘇教。勤於商賈。家有恆

產。會城曰黑爾斯倫。一作葉西倫地氣寒甚。七月中即見雪。巴牙息在

山腳。居民之學館也。平地近河曰地里。北客城與隣國通商。山內

古耳得族建堡於洞壑之間。素為盜巢。○巴索拉。一作巴所刺在古爾

的斯丹美索不達迷亞之東南。阿付臘底斯底格里士兩河至此

部之東南隅。合流入阿勒富海。爲東南大埔頭。五印度商船輻輳。其城屋陋。衢狹而貿易極盛。

按土耳其三土。古大秦國之東境。

卽意大里亞之羅馬

爲西域自古著名

之地。東土朔關最早。巴庇倫建國於前。西里亞代興於後。猶太

一作如大又作如氏亞又作如德亞又作儒德亞

卽唐書所謂拂菻國。以色列之族。由

此興焉。其國自夏商至漢季。厯世最久。令辟賢王。後先輝映。西土爲希臘開基之地。西國之剖啟昏濛。實由此土。君士但丁。則羅馬之東都。比於有周之維邑。泰西遠隔神州。禮樂車書之化。無由漸被。而在彼土言之。則此數千里者。固商周之耿毫幽岐。聲名文物之所萃也。土耳其本回部賤族。竄身買諾。遺種繁滋。

遭時衰亂。揭竿而起。恃其兵力。蠶食東西。遂使名城墮毀。典策散亡。文獻無徵。風流歇絕。三土之民。就俎醢之地。而困羶汗之俗者數百年於茲矣。回回之性。多殘暴不仁。而土耳其爲尤甚。俗無義倫。國無綱紀。日以刀俎待其民。胺脂膏而供醉飽。三土之民。何不幸之甚也。觀泰西人所著書。西土之困於苛政也。尤甚勝廣之徒。時時攘臂而彼昏。不知猶晏然爲羊車之游。亡可翹足而待矣。

泰西諸國。跨亞細亞。歐羅巴兩土者。惟義羅斯與土耳其兩國。土耳其疆域之大。不及義羅斯。而擅膏腴之壤。據形便之地。百年來。逐鹿紛紛。迄無止戈之日。固恃其地大兵強。不肯遽爲義



下也。七椿園不知其國之本名。訛稱爲控噶爾。又因其據東羅馬故地。而以千餘年前一統之羅馬移之於土耳其。荒渺甚矣。又稱我羅斯本其屬國。缺其朝貢。又擾其邊。控噶爾用東西迭駕之法。我羅斯大困。增貢乞和。乃免。此出於烏巴錫詛咒之口。而聞見錄乃鑿鑿言之。豈知輿尸纍纍而屢爲城下之盟者。乃卽所云控噶爾耶。兩國黑海亘隔。風馬牛本不相及。自我羅斯開高加索部。詳我羅斯圖說而與土之東土接壤。又開波蘭諸部。而與土之西土毘連。其初構兵。在乾隆中年。維時我羅斯勃焉方興。戰攻甚銳。土耳其衰機甫北。兵力猶強。勝敗之數。大畧相當。後則土勢日孱。南風不競。喪師失地。割講頻仍。近年內訌四起。危

如累卵。我則辟地益廣富強。又非昔比。悉銳南征。何異折枯拉朽。然土猶幸延至今。未爲我所兼并者。由於英佛兩大國護持而排解之也。歐羅巴人最惡回教。土耳其之昏虐。又諸國之所鄙夷。英佛之於土。非有所愛惜而必欲拯其危亡也。我羅斯境土得歐羅巴之大半。然北地荒寒。不長水戰。故僅能比肩英佛而未足以定霸一方。若土耳其三土。一旦爲所并兼。則地兼三海。波羅的海黑海地中海於歐羅巴一土已扼吭而拊其背矣。彼且治船礮。閱形勢。一旦擁十萬之衆。卷甲西馳。諸國其能宴然已乎。故英佛之存土。非愛土也。懼我之兼土而事未有所止也。兩國之強。我素懼。亦未敢開釁端而延大敵。不得不隱忍戢兵。聽土

之姑。延殘喘歐羅巴情勢。頗類戰國。故縱橫之謀。有未期然而然者。

泰西人紀巴庇倫西里亞古事云。上古之世。西土洪荒未闢。猛獸食人。有凝吻者。武力絕倫。能驅獸衛民。衆推爲主。虞舜六載立國於亞細亞兩河之間。兩河謂阿付臘底斯河底格里士河。卽土耳其美索不達迷亞地。曰巴庇倫。始聚人民。造宮室。是爲西土第一國。後有諾威氏之孫。

曰亞蘇爾。亦建國於亞細亞。曰尼你味。與巴庇倫爲隣。亞蘇爾之子曰尼奴拜。巴庇倫爲一國。名其國曰亞西里亞。而四方仍稱巴庇倫。尼奴死。妻西迷拉迷斯嗣位。女主代立。西土上古時卽有之。至今遂沿爲故。拓地益廣。亞細亞一洲。卽土耳其之中東兩土。非今之亞細亞也。半隸版圖。其人

習天文善測星度。西土推步之學。由此起。夏后不降十三歲。西  
迷拉迷斯死。子尼尼亞斯立。務於奢靡。不勤政事。國勢漸衰。其  
後傳三十餘世。歷商及周。在位多中主。乏令聞。故西史無紀載。  
猶太者。西土名國。在巴庇倫西南。壤地褊小。素爲巴庇倫屬國。  
巴庇倫遇藩國無禮。猶太不恭命。周簡王元年。巴庇倫以大兵  
伐猶太。攻破耶路撒冷。猶太都城。又名拂籛。猶太王自殺。脅遷其民於巴  
庇倫。猶太人有但耶利者。聰異有學識。時巴庇倫王得異夢。心  
惡之。祕不言其狀。使羣臣測之。中則賞。否則刑。羣臣憂懼。罔知  
所措。但耶利曰。臣知之矣。王夢大像立於前。其首金。其臂銀。其  
胷腹銅。其股鐵。其足鐵與泥。半忽大石飛墜。像立碎。風來吹散。

其塵信有之乎王大驚曰信如其驗云何曰驗在國之興廢金首者像王也銀臂者將有旁族由褊小而興銅身者繼統之國將有廣土鐵股者再繼之國當以劍矛摧各部足之泥分土之象石碎風摧則興亡之無定也王驚異以爲神人寵待之王卒子尼布甲尼撒嗣位立但耶利爲相相三世但耶利死而巴庇倫益衰亂矣巴庇倫之東爲波斯有馬太者波斯大部其王居魯士英果善戰新兼波斯諸部方以取亂侮亡爲事巴庇倫恬不爲備時巴庇倫王荒虐無政羣下離叛周景王八年居魯士大舉來伐巴庇倫望風奔潰圍都城一鼓而下巴庇倫亡地歸波斯周敬王年間巴庇倫叛波斯王大流士以太兵圍之歷

一年八月城破釘其民千人於十字架。周顯王年間希臘之馬基頓王亞勒散得大舉伐波斯。波斯潰。亞細亞諸部皆為馬基頓所奪。已而亞勒散得卒於軍。諸將裂新辟之土。自王亞細亞分為數國。日相戰攻。已而并為一國。仍巴庇倫舊國名曰西里亞。一作敘里亞傳國百餘年。為西土大部。西漢惠帝五年為羅馬所滅。詳意大地圖說地歸羅馬。又泰西人記巴庇倫城高三十五丈厚八丈七尺。上設塔二百五十城門一百。以銅為之。周迴一百八十里。南懷仁所記宇內七大宏工。有巴必鸞城。即巴庇倫之轉音。即此城也。當其初建。糜膏血而供版築。自以為子孫萬世之業。然居魯士兵來。曾不血刃而克之。金城千仞。果足恃乎。巴庇倫再叛大

流土惡其城垣之高。拆毀其半。至今猶存遺址。在土耳其東土。

美索不達迷亞境內。又英官李太郭云。西里亞文字。西里亞文字。字卽巴底

倫所造與諸國不同。與清文極相似。但橫寫順讀耳。因出西里

亞文字冊子。余翻閱之。信然。

泰西人紀猶太古事云。猶太古名迦南。有夏帝芒之世。西土有

至人曰亞伯拉罕。生於兩河之間。阿付臘底斯河。底格里士河。遷於迦南。其

苗裔稱以色列族。傳數世至耶哥伯。有十二子。最少者曰約色

弗。聰慧過人。諸兄忌之。賣於麥西爲人奴。麥西一名挨及。多一作厄。日多。或作以至

比多。又作伊齊。不托在亞非利加之東北境。詳阿非利加圖說。麥西王立以爲相。以色列之族

羣往歸之。初至時七十人。年久繁衍。至六萬人。麥西王忌其強。

宗欲除之時。迦南以色列族有至人曰摩西。生而神異。學識過人。報仇殺人。逃於荒野四十年。夢神人使赴麥西。救本宗。至則麥西王方張網羅。欲收以色列族。坑之。摩西密告宗人。約期同發。至海港潮退。變陸渡畢。而潮大至。麥西軍追者皆溺死。摩西率衆至迦南之耶路撒冷。遂王其地。示十誠以訓民。教以事神。天敬父母。勿殺。勿姦。勿盜。勿妄證。勿貪他人之財。七日禮拜。省過。誓是爲西土立教之始。秦西人相傳天神降於西奈山石上。現文字摩西拜受垂爲十誠以教民。蓋託於神道以起人之崇信耳。後來耶蘇教卽本於此。西奈山在今亞刺伯西北境。摩西卒。約書亞繼之。分以色列族爲十宗。裂地封爲小部。統於耶路撒冷。周武王元年。有措母耳者嗣位。德量過人。能察民枉。稱爲賢主。周成王二



十五年。王掃羅嗣位。好用兵。不恤民命。國人棄之。立大辟爲王。大辟以周昭王十年嗣位。敬畏上帝。稱爲聖人。在位十六年卒。王撒門或作瑱嗣位。亦稱令辟。周穆王年間。王羅破暗嗣位。始稱猶太國。羅破暗卒。亞庇雅繼之。三年卒。亞撒繼之。號爲賢能。亞撒之後。有何沙法者。亦賢主。周孝王二十一年。王耶何蘭嗣位。王后擅權。大戮宗黨。羣臣誅后。國乃安。王烏西亞嗣位。在位五十二年。猶國稱治。亞哈斯嗣位。招異族來國助戰。遂爲國患。王希洗家繼之。驅除異族。境內復安。周莊王十年。王馬拿西嗣立。在位四十三年。王亞們繼之。荒淫無道。二年而卒。周襄王十年。王約西亞嗣立。內修政事。外攘寇虐。威聲振於西土。王禦敵。


殞於陣。王耶何雅金嗣立。先是巴庇倫爲亞細亞大國。猶太夙  
備西藩。巴庇倫侈汰。遇諸侯無禮。猶太王怒。絕朝貢。周簡王元  
年。巴庇倫以大兵攻之。城破。王自殺。遷其民於巴庇倫。猶太遂  
亡。周景王八年。波斯滅巴庇倫。釋猶太民歸國。以色列族復立。  
故國傳三百餘年。西漢時。降羅馬爲屬國。後復叛。爲羅馬所滅。  
屠耶路撒冷都城。羅馬衰。亞刺伯回部據之。猶太爲耶蘇生長  
之地。歐羅巴人時往拜其墓。旣爲回部所據。禁不得通。諸國皆  
怒。合兵攻回部。從軍者縱十字於衣。血戰二百餘年。卒奪回猶  
太地。重立爲國。戍以兵。未幾。戍兵思故土。各散歸。尋爲土耳其  
所據。其部民散之四方。西土各國多有之。以數百萬計。而總稱。

爲猶太族與別族不相混云余嘗聞之英官李太郭猶太人最講文字西國各種書籍多猶太人所譯解故其國紀載獨詳歐羅巴文士游學者不於希臘卽於猶太蓋泰西絃誦之區也又云猶太女人姿姣好而性靈慧與別部迥異娶婦得猶太女則以爲威施在室也

猶太自唐以後中國稱爲拂箴卽撒冷之轉音初轉爲拂憐再轉爲拂箴唐書直以拂箴爲大秦蓋拂箴在羅馬東部中最著名遂誤爲大秦別名猶西城稱浩罕爲安集延也宋明史因之則沿唐書之誤耳

希臘圖







希臘國

希臘額里士。額力西。厄勒祭。厄肋西亞。古名國也。今為新造土耳其其西土之南

界。地形如臂入地中海。其盡處。牙似人掌。是為希臘國。縱約五

百里。橫約七百五十里。疆土褊小。海灣繚曲。汙港四通。洲與星列。

產棉花。南果羊毛。葡萄乾。橄欖油。五穀。煙草。當上古時。歐羅巴人

草衣木食。昏濛未啟。有夏中葉。東方列國已向化。義納孤一作枯木從

迦南抵希臘迦南即猶太。始教土人以構屋營居。耕田播穀。有商中葉

灑哥落從厄日多來西。即麥。立國於雅典。始織羊毳為衣。釀葡萄為

酒。取橄欖為油。鑄金鍛鐵。作刀刃耒耜。又以文字傳其土人。歐羅

巴之開。淳閎通文學。實自希臘始。希臘當商周時。分十二國。結為



同盟周敬王年間波斯以大兵攻希臘希臘各國合縱禦之波斯敗績遁去後希臘有馬基頓王亞勒散得者合列國之兵伐波斯乘勝直抵印度王卒於軍部將分其所得之士各自王由是希臘之語言文字布於西土西漢時意大里亞之羅馬方強征服四方希臘各國亦歸版圖後羅馬分東西希臘故地屬東王爲亞刺伯回部所侵日就衰弱土耳其既興滅羅馬東王以兵力取希臘全土地屬土耳其者四百年近年土政苛虐雅典之民不能堪嘉慶二十五年遂去土酋土人以兵攻之雅典堅守不下英吉利佛郎西義羅斯三國壯希民各以兵擁護之土耳其無奈何乃聽其自立爲國卽今之希臘國也其地關山迴隔九曲盤繞羣峯競秀望

若列屏名勝甲於西土。士女儀容多秀美。男好華冠麗服。女子美髮髻樣巧幻多式。藏書之富甲於西土。人多博覽各操鉛槧述事立言。其宮殿古蹟爲泰西創造棟宇之初式。國王名阿多本。日耳曼列侯世子。希民推擇立之。王賢明勤於政事。國雖小蓋方輿未艾云。

希臘新分十部。首部曰雅典。

一作亞的架

都城在海灣曰亞德納斯。自

昔爲聲名文物之地。今則市井寥落景象蕭條。○亞爾哥黎大。

一作

拿破城在海口曰腦比里亞。通商之大埔頭也。○亞加亞城在海

口曰巴達辣斯。

一作巴答

亦通商埔頭。街衢汙穢。商旅惡之。○美塞尼

亞。

一作里所龍義

首邑曰亞爾加的亞希之堅城。土人屢攻之不能下。○

亞爾加的亞。首邑曰的黎波里薩。一作得破勒撒亦希堅城。昔為土耳其

攻破。屠三千人。希人收復之後。盡戮土人之居守者。○拉哥尼亞

海中大嶼也。首邑曰迷斯達拉。一作希達居民六萬。土磽瘠而農作甚

勤。兼務工商。故恆足以自給。○亞加爾拿尼亞。一作兩加地首邑曰瓦

拉說黎。在西界海灣。○羅哥黎大首邑曰薩羅大。一作羅尼加居民

六萬。勤苦力作。產棉花煙。○曼卑亞。西界一洲。首邑曰哥羅奔多。

一作尼鄂奔多昔加拉大首邑曰黑爾摩波利斯。一作摩力亞中有山嶺。牧

人所聚。素稱盜藪。十部地界原圖未分畫○屬島曰八摩昔耶蘇弟子約翰

流徙於此。以此著名。○海灣甚多。東方曰君得撒。曰撒羅尼加。南

方曰益義拿。曰拿破里。曰可倫。西方曰爾加地。曰勒頒多。○希臘

之西有羣島。曰各府。曰散他。曰藐刺。曰地亞其。曰客花羅尼。曰息利我。曰散地。總名曰以阿尼島。居民共計十九萬。產橄欖。油。葡萄。乾。酒。密。南果。島各有渠。掌政令。屬於英吉利。

泰西人紀希臘古事云。上古之時。歐羅巴草昧未闢。人獸雜處。

有虞氏之初。亞細亞兩河之間。已見前有初立國者。曰巴庇倫。一作

巴必魯又作巴必羅夏后氏之初。阿非利加之北境。有初立國

者。曰厄日多。即麥西詳阿非利加圖說後有諾威氏之裔。曰日魯。建國於亞

細亞之買諾。即土耳其其國人漸有渡海峽而西者。即他大尼里海峽始

知有希臘。廣土夏后少康二十六歲。買諾人有伯辣斯日者。始

立國於希臘之北境。曰西西恩。逾九十餘歲。有厄日多人。遷於

希臘名其地曰的丹。立國未成。衆思故土散歸。夏后孔甲二十  
一歲。迦南人義紐孤一作枯木抵希臘之南境。始鳩集人民。教以營  
宮室。種穀麥。昏濛漸啟。商王外壬十二祀。厄日多之灑的斯人  
灑哥落。率其邑人。遷於雅典。立國曰亞德納斯。一作亞地拿始興技  
業。立法制。辨倫類。造文字。灑哥落卒。加拉腦斯繼之。治法益詳。  
希臘諸國聞風效慕。荒陋之俗一變。商王沃甲十三祀。亞德納  
斯王昂飛的安嗣位。是時希臘分十二國。時有詬爭。而東方諸  
國已造兵端。昂飛的安恐諸國之自相攻。且心力不齊。無以捍  
大敵。乃馳使十一國。結爲同盟。立公會於德爾摩比勒。每國遣  
使二人。歲二會。申約結齊。好惡講求利弊。各以聞。又各出蓄積。

貯於德爾佛斯堂以備軍儲每國以二人司之由是四隣輯睦十二國如一國外侮不生晏然康阜駕舟行地中海懋遷有無勢益富強當是時十二國中惟亞德納斯與斯巴爾達一作帕夫最  
大。斯。巴。爾。達。又。名。塞。拉。德。摩。尼。亞。其。國。初。分。數。小。部。商。王。祖。乙  
七。祀。有。勒。利。斯。者。并。小。部。爲。一。國。勢。與。亞。德。納。斯。相。埒。諸。小。國  
制。度。皆。效。兩。國。所。爲。亞。德。納。斯。王。德。修。以。商。王。廩。辛。六。祀。嗣。位。  
時。國。人。分。三。等。曰。爵。紳。曰。百。工。曰。農。民。爵。紳。多。事。恣。剝。民。工。農  
貧。乏。國。寢。弱。德。修。患。之。乃。汰。官。司。裁。署。舍。抑。損。豪。貴。躬。攬。大。權。  
加。惠。黎。民。招。徠。商。旅。遠。方。之。民。歸。之。如。市。百。工。技。業。日。精。操。奇  
贏。多。素。封。農。夫。積。倉。箱。日。益。饒。裕。亞。德。納。斯。遂。爲。西。國。大。都。會。

子哥德落斯嗣位。守其成法。益加惠於工農。由是爵紳無權。而庶民之勢重。哥德落斯卒。庶民私議曰。賢主不可再得。傳之貪殘民。且重困。乃揚言曰。能以入必德爾爲君者。當聽命。入必德爾。西國所奉宗祖之神也。從此不立國王。以長官一人治事。名長官曰阿爾干。以哥德落斯子孫爲之。繼序如王。而權與體視。王稍殺。越三百三十餘年。周平王三十六年國人又以爲不便。定議阿爾干三年而更尋廢。阿爾干立九官以治事。九官由衆推選。以三年爲秩滿。賢則畱。否則更自是事權紛錯。奸宄日多。國人患之。有達拉固者。以才學稱。衆公舉修刑書。達拉固性嚴刻。罪無大小。皆予殊死。時人號爲血書行之數十年。國人側足犯法者。

益衆。周靈王年間。公舉梭倫。重定法制。梭倫者。望族之英。素能  
以德服人者也。刪達拉固苛法。酌情罪。歸於平允。國人大悅。復  
建議事廳。一法制司。一以資財之多寡。分齊民爲四等。每等百  
人。有興革。則集議於議事廳。法制司設品官。定員數。選才德出  
衆者領之。發號令。定刑賞。皆由法制司。區畫精詳。輿論翕然。方  
亞德納斯之廢王而立官也。德巴斯首效之。諸小國亦紛紛效  
之。德巴斯者。舊本非尼亞人。詳阿非利亞圖說其王加達慕斯於商  
王武丁年間立國於希臘者也。迨梭倫重定法制。諸國又效之。  
斯巴爾達自勒利斯開國。傳四百餘年。至周成王十一年。有幽  
里寺德那斯伯羅刻黎斯者。兄弟也。同卽王位。自是國有二王。



同朝治事其制傳八百餘年不改西土傳爲異事亦未有效之者至末造之噶黎厄美尼斯始改爲一王周夷王年間其國有賢主曰利古爾厄重定法制與梭倫所定之法大畧相同而兵制尤爲盡善其俗儉嗇其人壯武嘗伐米西奈國滅之得其膏腴之土國勢益強是時東方之波斯國方強其王大流士一作達黎約再滅巴庇倫勢張甚顧希臘諸國以外夷賤之不加齒禮會波斯有大將本希臘人大流士厚遇之擢其姪高班其姪叛附亞德納斯亞德納斯有罪人義比亞斯奔波斯復挑搆之周敬王二十九年大流士以舟師伐亞德納斯亞德納斯乞和不許於是希臘諸國合縱禦之波斯破亞德納斯大與燔其城亞德

納斯大將米力泰底率衆禦之戰於馬拉多那波斯敗績米力泰底奪其七船大流士慙憤死子澤耳士立一作捨爾時斯誓雪仇恥以三萬人伐希臘造長橋於他大尼里海峽長二千丈以渡軍希臘大震波斯欲招斯巴爾達降斯巴爾達扼險拒之人人決死戰呼聲動天地波斯軍敗走時波斯水軍分道攻亞德納斯亞德納斯大將地米多其利率衆禦之波斯師船泊外海忽風雷大作波濤震蕩壞波斯船四百艘地米多其利以計誘其餘船入內港圍而殲之波斯軍水陸皆敗澤耳士大怒舉傾國之師三十萬攻亞德納斯亞德納斯棄城保於別與波斯毀其城希臘諸國咸來助戰爭先陷陣波斯軍大潰橫屍數十里狼狽

東走亡失。殆盡澤耳。士乘漁舟。遁輜重。盡爲希臘所得。先是希臘諸國。自昂飛的安聯盟之後。厯千年無改。故能同心協力。屢破大敵。至是爭取波斯遺財。頗有違言。亞德納斯城扼海口。操形勝。且聚商船。擅利權。斯巴爾達素忌之。旣爲波斯所毀。亞德納斯人欲建復。而斯巴爾達阻撓之。由此兩國交惡。盟約解散。諸小國各有所附。日啟爭端。亞德納斯城旣新建。藩屬皆納貢。餉日益強盛。而斯巴爾達遭地震。壓死萬餘人。叛奴作亂。弑王米西奈城。又反。國衰亂者數十年。亞德納斯有賢長曰比哩吉。發政施仁。閭閻富庶。四國頌之。會大疫。死者相枕藉。比哩吉亦染疾卒。代位之長多挾私亂政。民氣囂然。亞德納斯之西有大

洲曰西基利。卽西治里屬於加爾達額。有亞基庇亞底者。生長此洲。

任俠好施。素得衆心。見亞德納斯衰亂。欲取而代之。因募兵攻

亞德納斯。破其水軍。斯巴爾達與亞德納斯有夙嫌。乘西基利

之亂。以大兵圍其都城。毀之。亞德納斯遂爲亞基庇亞底所據。

由是希臘諸國互相攻。日益衰亂。已而馬基頓興。一作馬斯馬多尼亞

基頓亦十二國之一。在希臘北方。初甚微弱。周顯王年間有王

曰非立。一作非黎卑雄武有權畧。與希臘諸國交兵。累戰皆克。使客

游說之。皆納欵爲屬國。王欲伐波斯。會中刺客死。子亞勒散得

一作阿勒山德黎嗣位。年二十一。才兼文武。英畧過人。周顯王三十五

年。以三萬五千人伐波斯。取亞細亞。卽買諾敘里猶太諸地波斯望風奔

潰波斯王棄營走虜其妃后。因移兵巡行海上有土羅者加爾

達額之都城。

詳阿非利加圖說

王攻破之屠八千人。時麥西

卽厄多

爲波

斯屬部王征服之。墮其沿海名城。由是所向披靡。游兵及五印

度皆納款。列東藩。波斯王悉起境內兵決死戰。王擊破之。圍其

蘇撒都城。會遭疾。旋師至巴庇倫。卒於軍。諸將各引所部。據新

辟之土。自王從此希臘族散布西土。至漢初希臘尙餘四國。曰

厄多里亞。曰亞加壓。曰白阿西亞。仍以馬基頓爲長。馬基頓王

非黎卑性強暴。凌侮屬國。三國患之。時羅馬征伐四方。兵力方

強。三國密求援。羅馬命將以大兵入希臘。非黎卑攜妻子逃羅

馬。因駐兵。脅三國降。三國悔失計。求助於西里亞。

一作敘里亞

西里

亞者。亞勒散得部將所立國。兼亞細亞諸部。即土耳其為東方

大國。時加爾達額敗將漢尼巴。亦赴西里亞求援。詳意大利大里阿

其王安的約哥計希臘亡勢。且及已。率輕兵救希臘羅馬迎擊。

之。安的約哥大敗遁歸羅馬。兵踵至圍其都城。安的約哥降。希

臘四國聞之。皆納土降。地歸羅馬。時漢惠帝五年也。希臘諸國

建於夏商至漢初。乃亡。凡歷一千數百年。余嘗聞之英官李太

郭云。雅典最講文學。肄習之精。為泰西之鄒魯。凡西國文士。未

游學於額里士。則以為未登大雅之堂也。古希臘十二國乃今

臘則雅典一部古亞  
德納斯之南境也

瀛環志畧

卷六

希臘國

三

意大利亞  
列國圖



土耳其

舉地利界  
瑞士界

舉地利  
利米

薩爾的  
尼亞  
沙力尼門  
藍部

瑞士界

佛蘭西界

佛蘭西界

牙爾塞牙  
又名都士喀  
屬佛郎西

薩爾的尼亞島  
一作沙力尼阿

地中海

西治里島

突尼斯界  
古加爾  
達顯國  
阿爾及耳界

阿非利加



# 意大利亞列國

意大利亞

以他里○以他利○伊達○歐羅巴○古一統之國漢書所利○羅問○羅汶○那嗎

謂大秦國也。東北界塞地利亞。北界瑞士。西北界佛郎西。其餘全土斜伸於地中海。似人股之著屐者。中有大山綿亘如脊。其地天時和正。土脈膏腴。穀麥昌茂。花木馨芳。幽谷名園相屬。西土羨爲福地。自周以前爲土番散部。周幽王時羅馬崛起。國勢漸強。其後武僭日精。疆土四闢。至西漢時北拓日耳曼諸部。至波羅的海。南服阿非利加北境各國。西辟佛郎西西班牙。葡萄牙至大西洋海。又跨海建英吉利三島。東并希臘諸部。括買諾西里亞縱橫千萬里。跨歐羅巴亞細亞阿非利加三土邊外弱小諸部皆修貢職爲

臣妾居然大一統之勢。建都城於羅馬諸國。仰之如周京。

西域聞見錄所

稱控噶爾都城務魯木卽羅馬之轉音

東晉時又建東都於黑海之峽。稱爲君士但

丁一作公。瞻廷又作康思坦胎諾。格爾西域聞見錄稱爲控噶爾。

其後傳世既久。嗣王多淫辟敗

度。內亂迭生。廢立屢見。西北諸部皆擁土自王。不復爲臣。東晉孝

武帝二十二年。國分爲二。以羅馬爲西王。君士但丁爲東王。東王

至明景泰間始爲土耳其所滅。西王居意大利故地。劉宋時爲北

狄義特族所滅。義特族立國三百餘年。佛郎西取之以羅馬都城

奉教王。後復分裂。有伯棱日爾者。嘗并兼諸部爲一。旋以苛暴爲

國人所廢。奧地利亞征服之。割北境之米蘭威內薩兩部。自是之

後。諸部時合時分。日尋干戈。雲擾尤甚。嘉慶十年。佛郎西王拿破

倫畧定其地爲佛藩部拿破倫敗諸國公使會議於維也納分其地爲九大國四曰羅馬曰多斯加納曰薩爾的尼亞曰那不勒斯小國五曰巴爾馬曰摩德拿曰盧加曰摩納哥曰勝馬里虐猶總稱意大利亞其地物產豐饒兼有蠶桑之利每歲所產絲綿價值三千餘萬葡萄酒橄欖油橙柑檬栗諸果亦皆繁碩其民身體纖弱外寬柔而內陰賊往往昏夜刺殺仇人好談論游戲喜謳歌有稷下之風各國皆崇天主教而羅馬爲最盛

羅馬一稱教宗國古羅馬舊都也當全盛時文物聲名爲西洋第一大都會至劉宋時爲北狄義特族所據故王宮闕大半殘毀書冊舊典亦掃蕩無遺由是民變夷俗非其舊矣天主教自東漢時

傳播西土。羅馬人崇信尤篤。故國既爲狄所據。天主教之徒乘機招誘。黨羽日繁。大權歸其掌握。佛郎西既滅。我特族遂以其地歸天主教師。號曰教王。教王歿。則大會各教主僉議。推老成者一人嗣位。畧如前後藏喇嘛坐牀之俗。其教傳布各國。有不遵者。輒挑釁搆兵。夷滅之。或教其民叛主。佛郎西之創霸也。教王爲之加冕。英吉利北族之起兵也。請於教王。教王封以英土。其權如此。至前明時。日耳曼人路得別立耶蘇教。稱爲正教。斥天主教爲異端邪說。於是諸國半歸耶蘇教。而教王之權頓衰。所據之羅馬都城。古蹟最多。天主教堂極崇宏。光彩射目。入教之徒如蟻。各食教王俸。精別國之祭司。禮拜主事者遠方之信士焚香禮拜者踵相接也。天主

之外所崇奉者。耶蘇之母馬氏。稱為天后。籲禱尤虔。其民情於農  
事。野多曠土。山內多藏克盜。捕急則逃。入天主堂無復過問者。

多爾加納。

一作突加拿

在羅馬之西。東北界羅馬。西南臨海。土地膏腴。

物產豐厚。都城曰佛羅梭薩。街衢整潔。萬厦聳飛。所屬有古城曰

北撒昔。稱繁會。今已凋敝。海口有城曰里窩那。市舶所萃。貿易甚

繁。

薩爾的尼亞。

一作沙力尼。阿又作撒地尼。又作撒丁。

本意大里大島。其國由此島而

割。意大利西北境。遂以島名為國名。地在多爾加納之西北。與瑞

士佛郎西接壤。國分四部。曰辟門。曰熱那亞。曰撒歪。曰撒丁。島都

城在撒歪。曰都靈。

一作土林

殿堂宏麗。西人豔之。辟門多山田。不足畊。

其民多走別國謀生。熱那亞在海隅。昔爲地中海公市。萬般鱗集。稱大都會。意大里戰船皆屯泊於此。今衰廢已久。僅存各官之衙署而已。撒丁島地甚廣莫。而林莽居半。居民披羊皮挾利刃遊牧林薄中。性悍。難於鈴束。

那不勒斯。

一作拿破利。又作拿破里。又作捏不爾士。

在羅馬之南。東西南三面皆海。正

地形似鞞。履之處。意大里之南境也。西南有大島曰西治里。

或作什士。

力又作西基利。又作西西里亞。

與那不勒斯合爲一國。都城同國名。屋宇高大。殿

廟整肅。郭外萬峯環繞。高插雲表。內多幽壑。古洞。別有火峯。峯嶺常出烟雲。有時火石飛空。墜數十里外。或飛灰如霜。霰積數尺。壓田畝。廬舍又火。漿迸流如水。所至草木皆燼。近山有二古城。灰埋。

已千餘年。忽土人掘出垣堞。依然傳爲異事。地震甚烈。居民頻年  
被災。惟土田肥沃。物產豐饒。故戶口繁密。無肯避而去者。西治里  
島縱橫皆四五百里。土尤肥沃。多五穀良釀。島中亦有火峯。鄉邑  
屢遭焚毀。吏多苛政。教主擅權。故夙稱沃土。而民恆貧乏。其會城  
曰巴勒摩埔頭。曰墨西拿。

巴爾馬

一作巴馬

在薩爾的尼亞之東。摩德拿之西。北抵波河。縱橫皆

二百里。戶口四十餘萬。昔爲舉地利王女封地。佛郎西王拿破侖  
之后也。拿破侖旣敗。其后別離。仍據此地。

摩德拿。東連羅馬。西連巴爾馬。長三百里。廣一百四十里。戶口三  
十八萬。



盧加東連多爾加納西至地中海長九十里廣五十里戶口十四萬餘。

摩納哥在薩爾的尼亞境內長三十五里廣二十里戶口六千五百。

勝馬里虐在羅馬境內袤延約五十里戶口四千餘自推西長理事不屬教王。

意大里西南有馬里他島地多磐石居民積土爲山以耕其俗儉嗇勤苦戶口極繁昔耶蘇之徒保羅浮海攔淺泗登此島爲人療病著神異之迹故此島名傳西土當回部方強以兵力脅此島島酋率驍卒拒之回部竟不能取嘉慶年間佛郎西誘降其酋旋爲

英吉利所奪。守以重兵。爲地中海停泊戰艦之處。

按西國自剖判以來。惟意大里爲一統之朝。肇造邦土。在成周中業混壹。在西漢之初。分裂在東晉之末。宗社之墟。在明景泰間。祚數之長。泰西無其比也。據泰西人所紀載。其創業之主曰

羅慕路。

一作羅母洛

於周幽王年間。始建城於羅馬。別五土之宜。教

民以耕稼。造戰弩以習戰。子努馬

一作馬

嗣位。初設律例。愛育黎

元。分等威。別貴賤。境內大治。傳七世。至達爾癸。虐蘇比爾伯。淫

虐無人理。民廢王選。賢者二人居高爵。立公會以治事。高爵每

年一易。由是國無王而勢日強。盛意大里諸部皆歸版圖。阿非

利加北境有大國曰加爾達額。

一作迦大其

舊名非尼西亞。立國最

早出希臘遷於地中海之南岸其國善於商賈擅地中海之利權又兼并西班牙富強無與埒羅馬初興時加爾達額屢侵軼之又奪其屬島西治里後羅馬漸強始稱勅敵構兵數百年迭爲勝負西漢初加爾達額命其大將漢尼巴合西班牙之兵大舉伐羅馬連戰皆克陷南境諸城羅馬大將發比約馬西摩堅壁以老其師而遣別將馬爾塞羅伏奇兵邀其歸路又遣西比揚潛師渡海襲其都城漢尼巴聞警還救遇伏大潰比渡海將至西比揚回兵邀擊於海中全軍盡覆漢尼巴乘漁舟奔西里亞求援時漢高祖六年也是時希臘分數部馬基頓最強諸部爲所凌侮求庇於羅馬羅馬以兵護諸部因脅降爲屬國諸部

恢之密約西里亞爲援。西里亞者一作敘里亞亞細亞大部在猶太

之北。舊本巴庇倫地。波斯滅巴庇倫地。歸波斯。後馬基頓王亞

勒散得伐波斯。盡取其地。亞勒散得卒於軍。諸將裂其土。自王

分爲數國。後并入西里亞爲一國。勢頗強大。故希臘諸部欲倚

之以拒羅馬。而漢尼巴又盛稱羅馬師疲易敗。漢惠帝五年。西

里亞王安的約哥帥兵赴希臘。羅馬迎擊之。西里亞兵大敗奔

回。羅馬軍乘勝逐北。圍其都城。安的約哥納土降。漢尼巴自殺。

因移兵征馬基頓。馬基頓亦降。希臘諸部皆獻土。漢景帝十年。

羅馬以大兵伐加爾達額。圍其都城。城將陷。加爾達額闔城自

焚。羅馬毀其城。因畧定其屬部。復征服西班牙。置爲別部。時葡

爲西班牙西境尙未立國

是時地中海南岸尙有兩強國。一曰奔多。一曰入

占爾達。奔多有高哥斯大山爲屏蔽。其王覓的里達隄強武好

戰恃天險。不肯賓服。羅馬命大將西拉盧占祿征之。連兵二十

六年。屢破其軍。覓的里達隄扼險不肯降。漢文帝後元年。羅馬

大將奔彪

一作潘浦

攻破奔多。殺覓的里達隄。入占爾達。尤險遠。漢

武帝元封五年。羅馬大將馬黎約征服之。由是地中海南岸諸

部盡入版圖。猶太麥西亦納款。北境拓地至日耳曼。復西辟佛

耶西。渡海征英吉利土番。建爲大部。西土數萬里無復抗顏行

者。初羅馬廢國王立公會。高爵由衆推選。原議一年一易。後因

兵事不得易。漸有久於位者。高爵子孫名曰巴的黎。西疴推舉

高爵半由巴的黎西疴黎庶雖有奇傑多阻遏不得進而高爵子孫席富貴以勢凌人黎庶積不能平時諸將四征不庭各擁強兵兵皆百戰悍不馴至是四方畧定諸將各凱旋屯畿甸適有夷族自東北來侵亞細亞諸部多翻城應之大將奔彪提兵往剿方戰勝收復境土而內變作先是馬黎約之兵與西拉之兵誹諱交聞黎庶之黠者乘機倡亂殺高爵子孫民與紳鬪兵與兵訐既而兵民紳分黨相攻數旬之內反者如蝟毛而起屠戮凡數萬人奔彪聞變急回兵大將愷撒一作人畧塞薩爾方西征亦旋師共平內難盡戮反者前後死者凡十餘萬人國乃定是時大權歸兩帥奔彪征服西班牙奔多麥西猶太重定亞細亞建

功最早。貪權位。漸驕恣。而愷撒負英畧。學術過人。平佛耶西英。吉利建爲大部。勲業尤著。兩人積不相能。愷撒素得民心。奔彪度不能抗。託故之東部。起兵攻愷撒。愷撒率衆禦之。戰於希臘之法爾薩里亞。奔彪兵潰。單舸奔麥西麥。西王斬其頭獻羅馬。由是愷撒總大綱。立法制羅馬大治。時高爵有不廬多加西約者。忌愷撒之得大權。將帝制。遣客刺殺之。高爵馬爾各安多尼約因擅權專制。將自王。愷撒猶子唯大屋。一作塞薩爾。額達維約。起兵攻之。戰於黑細約河。馬爾各安多尼約大敗。攜其孥而逃。不廬多加西約皆自頸死。漢成帝建始二年。唯大屋踐王位。是爲羅馬復立國王之始。當是時。羅馬東境至亞細亞。卽土耳其。西境至中東兩土。

西班牙英吉利北境括日耳曼諸部南境包阿非利加之北境

地兼三土

亞細亞歐羅巴阿非利加

周迴數萬里盡入版圖波斯遣使乞和

天竺亦遣使通好徼外諸夷部皆入貢建始三年唯大屋更名

曰奧古士都

一作奧烏士多

銷兵罷戰親閉仍納廟門

仍納兵主之神兵與則啟門兵

罷則性寬大厚待功臣親愛士民為羅馬極隆平之世其後駕

里古喇尼囉相繼立皆苛暴荒淫比於幽厲大將菲士巴山素

得民舉眾推戴為國王時猶太叛亂命其子第度伐之攻破猶

太都城屠之已而第度嗣立慈惠愛民稱為賢主未幾卒其弟

嗣立煩刑苛斂國人不堪其虐弑之東漢和帝九年王大喇壤

嗣位時匈奴侵北鄙命將擊走之王性寬惠矜庶獄有仁聲晚



歲好土木。比頑童論者惜其不終。繼立之王好武。屢伐匈奴。勝之。順帝十二年。王安敦嗣立。博物好古。明於治體。修律度。振綱紀。號爲中興。時匈奴逐水草。屢犯邊。王親率大兵。渡河深入。不解甲者數年。窮追至北海。犁其庭。幕伏屍百萬。山是烽燧。銷息數十年。無鳴吠之警。東漢之末。昏庸在位。骨肉相殘。國大亂。蜀漢後帝年間。稱王者三十人。日相屠攻。有奧哩都者。削平僭逆。光復舊物。羅馬再康。後因東方多邊患。恆屯重兵以備之。晉懷帝永嘉元年。王君士但丁或作公嗣位。性謙柔。有遠畧。建大城於他大尼里海峽之北岸。以控制東方。卽名曰君士但丁城。一作康思胆胎諾格爾。又作官士。是爲羅馬東都。君士但丁卒。三子丹的諾伯拉。又稱控噶爾。

爭立國。又幾亂。嗣立之王好佛。仇耶蘇教。伐波斯。中流矢卒。王

約菲安嗣位。溫恭好禮。修好四鄰。稱爲太平。先是東北有義特

族者。一作尼都。又作哥度。爲匈奴所攻。降於羅馬。羅馬處之北境。恣其游

牧。生聚年久。日漸強盛。羅馬旣立東都。悉以勁兵防東邊。西都

守備單弱。義特突以兵犯羅馬。羅馬王禦之。殞於陣。國大震。乃

與之和。王第阿多西嗣位。潔白自修。稱爲令辟。東晉孝武帝二

十二年。分國爲兩。以羅馬爲西都。以君士但丁爲東都。立二王。

分治之。其後西都屢爲義特所侵。日就衰弱。王和挪流嗣立。貪

饕喜淫刑。義特屢來攻。肆行殺掠。城邑蕭然。宋蒼梧王元徽三

年。義特圍羅馬都城。王出降。義特囚之軍中。憂懼死。羅馬民私

葬之山是西都遂爲義特所據而東都仍稱羅馬國梁武帝二十五年東王如地尼安嗣位精於吏治因舊例煩苛令羣臣刪訂之歸於寬簡臣民稱使時國人有航海至中國者攜蠶桑之種以歸試植之與土性宜由是繭絲之利興焉秦西興蠶桑之利已一千數百年而中國之人不知以爲皆從粵東販往唐初回回教之摩哈默興於阿剌伯新兼波斯勢張甚欲強羅馬入回教羅馬不從由是爲阿剌伯所怒數數被兵是時義羅斯興於北土以兵侵羅馬羅馬與之和以女嫁之從此義羅斯崇天主教已而阿剌伯攻羅馬之東境西里亞猶太買諾諸部皆陷峽東地全成敵境僅餘故希臘片土即土耳其勢益孤弱元末土耳其起於買諾兼并峽東諸部數渡

峽

即他大尼里峽  
詳土耳其圖說

攻羅馬。侵割其旁邑殆盡。明景泰三年攻

陷君士但丁都城。羅馬遂亡。○後漢書大泰國一名犁鞬。以在

海西。

此海指地中海

亦云海西國所居城邑周圍百餘里。置三十六將。

皆會議國事。其王無有常人。皆簡立賢者。其人民皆長大平正。

有類中國。故謂之大秦。與安息。

即波斯

天竺。

即印度

交市於海中。其

王常欲通使於漢。爲安息遮遏。不得自達。至桓帝延熹九年大

秦王安敦遣使自日南徼外獻象牙犀角璚玕。始乃一通焉。云

考之泰西人所紀載羅馬都城最大與漢書周圍百餘里之

說相合又羅馬自努馬七世後不立國王選賢者居高位立公

會以治事與漢書王無常人簡立賢者之說相合漢成帝二年

隋大屋踐王位。仍世及漢書所云。乃其往事。又漢順帝十二年。王安敦嗣位。號爲中興。與漢書延熹九年。大秦王安敦遣使入貢之說。年代名氏均相合。則意大里之爲大秦。無可疑矣。意大里在兩漢時。歐羅巴一土。隸幅員者十七八。故大秦之外。別無海西部落之名。見於范書。惟安敦之入貢。由日南徼外。其爲航海東來。可想而知。然則謂歐羅巴諸國。明以前未通中國者。殆不其然。惟市舶之聚於粵東。則自前明始耳。唐宋以來皆以拂菻爲大秦。不知拂菻乃大秦東鄙。屬部猶之稱浩罕爲安集延也。然自宋以後。拂菻爲回部所據。并不屬大秦。中國不知其原委。故因仍不改耳。泰西人所刻耶蘇之書甚多。其敘述謂上古之世。有至人摩西者。受神天教於西奈山。在阿剌伯西北境。垂十誡以教世人。其先有哲人

曰亞伯拉罕十四世而生大辟。兩人皆西土名賢。能教化人。大辟十四世爲巴別倫。巴別倫又十四世而生耶蘇基督。基督如中國之靈云神耶蘇之父曰約色弗。母曰馬利亞。馬利亞感神而孕。漢哀帝五年。生耶蘇於猶太國之伯利恒邑。有異人從東方來。云有星降於猶太。爲國王。其王希羅得潛使人物色殺之。約色弗夢神人告使避難。抱兒逃於麥西。希羅得死。乃回以色列地。又遷於加利利之拿撒勒。耶蘇既長。神異特甚。時有先耶蘇問道者。曰約翰耶蘇就而領洗禮。洗謂澡身。領洗禮蓋受業之意。約翰知耶蘇爲至人。不敢自居先輩。遍告人使師耶蘇。由是耶蘇宣傳教法。戒殺戒淫。戒盜。戒誣證。謂天爲父。已爲上天之獨子。降生以拯濟世人。

謂人之生也。靈魂爲重。軀壳爲輕。軀壳時至而毀。靈魂歷劫不磨。修道之人。升靈魂於天國。與天無極。受業者十二弟子。最著者爲西門彼得。羅爲耶哥伯。爲馬太。耶蘇能以神術醫人疾。痢者。癱者。癱者。瞽者。以手撫摩之。立愈。所至男女數千人。隨之。喧傳耶蘇爲猶太之王。有祭司元魁主持禮拜之人該亞法與衆謀。欲擒而殺之。耶蘇預知數不可逃。語門人。以後事。門人有猶大士者。受賄賣其師。密導人往執之。送於大吏彼拉多。彼拉多審其無罪。欲釋之。衆怒噪。謂彼拉多縱叛民。堅請釘之十字架。彼拉多不得已從之。耶蘇遂被釘死。葬之明日。失其屍。其後門人數數形見云。耶蘇死後。彼得羅與諸弟子往來各國。傳布其教。

有士提反者。聞而篤信。以傳道自任。猶太人以石擊斃之。有保羅者。初與耶蘇之徒爲仇。攻之甚力。後悔悟入教。進道最勇。所著之書亦最多。云云。余嘗翻閱其書。文義詰曲而俚。蓋彼土學漢文者所譯。其中有帶機鋒似禪語者。而義則粗淺。其所謂洗禮七日安息禮拜之類。自摩西以來卽有之。非始於耶蘇也。奉耶蘇之教者。不祀別神。不供祖先。以耶蘇爲救世主。而以身命倚之。謂可獲福佑。有得禍者。則謂靈魂已升天國。勝於生人世。揆其大致。亦佛氏之支流別派。歐羅巴遠在荒裔。周孔之教所不及。耶蘇生於其間。戒淫戒殺。忘身救世。彼土崇而信之。原無所謂非而必欲傳其教於中土。則亦未免多事矣。



按耶蘇生於猶太。其教之盛行。則起於羅馬。自教王擅權之後。諸國王侯。聽其頤指。有不從者。國輒被兵。主輒被弑。數百年無敢違異。其教稱爲天主教。天主者。以耶蘇爲上天之主宰也。明初有日耳曼人路得者。起而攻其說。謂天主教解耶蘇之書。皆謬誤。以刑戮強人入教。乃異端邪說。非耶蘇本旨。於是取耶蘇之書。重加譯解。別立教規。稱耶蘇爲救世主。名其教爲耶蘇教。諸國之奉天主教者。多翻然從之。教王大怒。令諸王捕殺耶蘇教人。然其教已盛行。不可遏止。由是君與民。因分教相殺。國與國。因分教相攻。數百年來。西土之民。肆市朝膏原野者。不知幾百萬。皆因爭教而起也。今歐羅巴。從天主教者。曰意大里亞。曰

佛郎西。曰比利時。曰西班牙。曰葡萄牙。從耶蘇教者。曰英吉利。曰荷蘭。曰噠國。曰瑞國。曰普魯士。曰米利堅。此外兩教參雜者。曰塞地利。曰日耳曼列國。天主教規立十字架。作銅人。肖耶蘇被釘受難之形。旁有女人像。肖耶蘇之母馬利亞。耶蘇教不設十字架。不肖像。其餘七日禮拜安息之類。皆從同。又別有希臘教者。亦天主教別派。額里士義羅斯。尙之與兩教教規又不同。近泰西人稱天主教爲公教。稱路得等教爲修教。余謂耶蘇之立教。以救世也。乃諸國因分教之故。而殘殺不已。耶蘇而有知也。其謂之何。



荷蘭圖







荷蘭國

荷蘭

和蘭。賀蘭。法蘭得斯。

歐羅巴小國也。東界日耳曼。南界比利時。西北

距大西洋海。縱約六百五十里。橫約三百五十里。壤地褊小。夷坦

無山。歐羅巴地形。此最低陷。海潮衝齧。劃為洲渚。港道縱橫。交貫

其地。沮洳卑濕。而土脈最腴。民習水利。善築隄防。開溝洫。又善於

操舟。能行遠。故歐羅巴海市之通行。自荷蘭始。其地古時為土番

部落。種人名曰巴達。漢時。意大里擴地至佛郎西。荷蘭土番悍

不聽命。意大里兵阻水不能進。因置為荒服。不復爭。後為日耳曼

之弗郎哥人所據。蕭齊時。佛郎西取之。置酋長分領其衆。佛有內

亂。諸酋擁地自擅。分為十七小國。後有不爾疴尼亞酋長復并諸



部爲一。自立爲侯國。北宋時。海潮決隄。數百里居民皆沒。都城幾陷。潮退之後。積水匯爲巨浸。曰亞爾零海。經營數十年。戶口繁滋。商賈通行。完富過於曩時。明初。侯查理侵佛郎西。圍其都城。耀兵而還。時荷蘭富民多恃財犯科律。侯以峻法繩之。刑戮過當。衆怨怒。有叛志。佛郎西乘勢伐之。侯震恐。納賂請盟。佛兵乃退。荷蘭舊分南北部。侯政苛虐。南部卽比畫疆不聽命。侯與戰敗績。墮溝中死。正德季年。西班牙王查理第五新爲日耳曼所推立。己詳舉地利亞圖說有大權。擊佛郎西。擄其王。西土諸國無敢逆顏行者。遂下令兼王荷蘭。荷蘭不敢抗。時荷蘭富甚。王減稅以悅其民。而悉令入天主教。有違耶蘇教者。積薪燔之。已而查理第五令其子西班牙王非

立第二兼王荷蘭。禁耶蘇教尤急。南部本習天主教。無梗令者。而北部夙崇耶蘇教。堅不肯改。非立第二以峻法繩之。凡戮數千人。荷蘭人情甚有阿蘭治者。智勇過人。衆推爲主。起兵距西班牙。西班牙以大衆攻之。荷蘭人人死戰。屢敗而氣不衰。佛郎西英吉利。嘗引兵救之。已而退去。阿蘭治激其衆曰。西人以我供刀俎。當塗肝腦。決死戰。幸而勝。國之福也。不濟則決海隄。挈妻子爲波臣。不死者乘舟逃萬里外。誓不爲之氓。衆皆曰。諾。遂引軍獨進。與西班牙鏖戰數十年。屢挫西軍。西班牙遣客刺殺之。其子繼統其衆。雄武過父。奮力擊西軍。大破之。西班牙乃斂兵議和。由是荷蘭復立。爲國晏然安富。承平者二百餘年。當前明中葉。荷蘭航海東來。至

中國之東南洋據瓜哇海口。即噶羅巴迤東迤北各島國皆建設埔頭。通東西七萬里之海市故國雖小而富饒甲於西土。明季嘗以兵船擾閩浙。聖臺灣而據之後爲鄭氏所逐。小西洋各埔頭亦頗爲英佛諸國所侵削。而南洋數大島則依然荷蘭有也。康熙二十七年王威廉第三有雄畧。英吉利人招之渡海奉以爲王。幾霸西土。嘉慶初佛郎西拿破侖侵伐四國。兵及荷蘭。荷蘭王走死荒野。地歸佛郎西。英吉利乘荷蘭之亂也。奪其瓜哇埔頭。拿破侖旣敗。荷蘭復立故王之裔。英人乃還其埔頭。先是荷蘭南部與北部相仇。當北部與西班牙構兵。南部附西班牙不相助。嘉慶十九年南部與荷蘭合。道光十一年南部復絕荷蘭。立他族爲王。稱比利時國。

荷蘭地形平行。有水無山。東偏僅有邱阜。亦甚寥落。北境出燕麥。

中國稱又出胡麻。形似壁蝨。紫黑色。可以爲油。西北境出大麥。中

土出麻與顏料。南境出小麥。俗喜吸絲烟。故種烟草者多。草場豐

廣。便於牧牛。所製奶餅極佳。又善造火酒。二者通行各國。所織羽

毛。綴最良。中國貴之。其民俗樸實耐勞。節衣嗇食。治生最爲勤苦。

無游民。無盜賊。利之所在。不遠數千萬里。性喜潔。房屋時時掃滌。

街衢有污穢。必洗刷淨盡。稅餉頗重。聽紳士籌辦。王不得專。地分

十一部。○北荷蘭。西距大西洋海。東環亞爾零內海。都城曰亞摩

斯德爾登。一作俺莫士特爾。坦。又作安特堤。建於義河之濱。架木水中。上起樓閣。

以河道爲街衢。居民二十萬。貿易之盛。爲歐土大都會。又有別都

日合其在海濱。國王所居殿廷制頗卑狹。而民居極整潔。來丁島特兩城有大書院。文儒所萃。○南荷蘭在北荷蘭之南。西面大海。南界內港。隔斷成兩洲。會城曰海牙。所屬鹿特堤城。內通舟楫。殷商所萃。街市華潔。○斯蘭德亞在南荷蘭之南。西面大海。內港縱橫。界隔成八洲。會城曰米德爾不爾厄。○北巴拉班的。在斯蘭德亞之東。幅員頗廣。南與比利時接壤。會城曰不亞勒。獨各。○烏德勒支在兩荷蘭之東。會城同部名。○給爾德勒在烏支德勒之東。北。西界亞爾零內海。東界日耳曼。會城曰亞爾凝。○德倫得在給爾德勒之北。西界內海。東界日耳曼。會城曰亞森。○疴威爾義塞耳在德倫得之北。東界日耳曼。會城曰索爾。○非里薩在疴威爾

義塞耳之西。三面距內海。會城曰雷瓦爾敦。○哥羅凝加在荷威爾。義塞耳之北。爲荷蘭極北境。東界日耳曼。會城同部名。○靈不爾厄在北巴拉班的之東南隅。與日耳曼接壤。會城曰貢士的里至。○十一部之外。別一部曰廬森不爾厄。在日耳曼界內。長二百五十里。廣二百里。會城同部名。戶口二十九萬。入口耳曼公會。應出兵二千五百五十。此部圖中未盡應在日耳曼圖內

按荷蘭爲歐羅巴澤國。與魚鼈錯處。受水患最甚。享水利亦最優。隄防溝洫。猶易易耳。刻木爲舟。而通行於數萬里之外。則習於水之明效也。勝國季年。閩浙兩洋。時見侵軼。嘗踞舟山。定海道頭地方。尚有紅燬普陀。普陀巖有萬歷年間宮塑佛像。荷毛馬頭之名。普陀巖有萬歷年間宮塑佛像。荷毛馬頭之名。普陀巖有萬歷年間宮塑佛像。荷毛馬頭之名。鼓棹月

港。卽海澄縣從前海港深通大船可直抵城下。荷蘭船時來遊奕。後港漸淤淺。乃移市舶於海門。海門又淤。乃移於廈門。

寄跡澎湖。崇禎三年。荷蘭據澎湖。閩撫南居益以樓船航海擊之。荷蘭遁去。卒乃據臺灣。而有

之。彼時概稱爲紅毛。卽荷蘭也。鄭成功長江之敗。金廈不能守。

適荷蘭通事何斌負通稅逃內地。獻謀取臺灣。成功悉銳渡海。

奪鹿耳。據安平。相持一年。荷蘭大困。成功乃縱之去。由此絕意

中國。不敢復覲片土。先是鄭芝龍受撫後。嘗以小舟焚荷蘭三

艘。厥後成功扼之於臺灣。幾致片帆不返。以彼橫肆如鯨鯢。遇

鄭氏父子而弱焉。亦足爲遠夷侵凌中國之炯戒矣。

歐羅巴諸國皆好航海立埔頭。遠者或數萬里。非好勤遠畧也。

彼以商賈爲本計。得一埔頭則擅其利權而歸於我。荷蘭尤專

務此其航海而東來也。亞非利加印度麻喇甲蘇門答臘卽已  
通設埔頭噶羅巴卽瓜哇一島大小西洋入中國之門戶富盛甲  
於兩洋爲諸島國之綱領。荷蘭以詭謀據其海口建設城邑流  
通百貨由是迤東迤北諸島國如婆羅洲一名蟠尼阿西里百一名失勒  
密摩鹿加一名失羅洛巴布亞一名那吉尼之類大小凡數十處說見南洋圖  
皆巫來由繞阿武吃番族。荷蘭以次據口岸立埔頭有租賃其  
地者有侵脅得之者大約近年以來小西洋諸島國以英吉利  
爲主東南洋諸島國除呂宋屬西班牙餘皆以荷蘭爲主。地本  
彈丸而圖國計於七萬里之外歷數百年無改亦可謂善於運  
籌者歟。




鄭芝龍焚荷蘭船。見閩人所著臺灣外紀。其書雖小說。而事多實錄。非盡荒唐。維時荷蘭夾板擾閩浙。芝龍已受撫爲裨將。奉軍門令往剿。荷蘭船堅炮猛。不能勝。乃募死士善泅者。以小船堆柴薪。澆以油。中藏火藥。前置引線。船首施短鐵鍊。綴利錐。死士一人持斧坐船頭。數人從旁乘風潮急。棹傍夷船。以斧釘錐於船舫。燃藥線投水。鳧回。藥燃火發。風又猛烈。荷蘭夾板被焚三艘。餘悉遁去。云。余按芝龍本海中劇盜。所養皆亡命之徒。其權譎能得人死力。以此出奇制勝。理或有之。他書言火攻者。紛紛有謂用千百木筏積薪。順風潮而縱之者。有謂鎖千百小舟積薪。艤港面而圍之者。大約皆江河火攻舊說。否則攻海盜舊

說○施○之○夾○板○鑿○柄○甚○矣○海○而○寬○闊○夾○板○皆○相○地○散○泊○近○者○相○隔○  
一○二○里○遠○者○三○四○里○木○筏○小○舟○雖○多○豈○能○塞○滿○汪○洋○如○牆○而○進○  
又○豈○能○引○鍼○拾○芥○無○端○而○使○之○相○著○此○自○焚○舟○何○與○彼○事○不○如○  
芝○龍○之○釘○船○事○雖○難○而○尙○有○實○際○耳○



比利時圖



大西海洋





# 比利時國

比利時

比勒治○惟理儀○北義○北爾日加○比利時閩○密爾閩○彌爾尼王○

歐羅巴小國

也。北界荷蘭西北距大西洋海西南暨正南俱界佛郎西東接普魯士西部縱約五百里橫約三百里古時本荷蘭南部荷蘭多水而比利時多平陸明初荷蘭侯查理好用兵徵調煩苦比利時不聽命查理引兵突入其境掩殺八百人比利時結大隊復仇查理敗死後西班牙王非立第二兼王荷蘭兩部荷蘭人阿蘭治起兵拒戰相持數十年比利時隸西班牙未敢貳康熙五十三年西班牙以比利時歸奧地利亞爲奧藩屬者七十餘年嘉慶初佛郎西拿破侖兼并諸國先取比利時次滅荷蘭拿破侖敗荷蘭再立國



嘉慶十九年比利時復與荷蘭合。先是荷蘭崇耶蘇教。因此與西班牙構兵數十年。卒獲勝復國。而比利時毘近佛郎西。顧獨從佛俗。尙天主教。又夙隸西班牙。舉地利皆天主教國。既與荷蘭合。不肯從荷俗。兩部之民不相能。時時構釁。而荷蘭以比利時夙附仇國。不與恢復之師。素薄其人。不令居顯秩。又不肯收教其幼學。比利時人積不能平。道光十一年。逐荷蘭守土吏。荷蘭伐之。比利時諸部合兵拒戰。相持數月。伏屍遍野。佛郎西舉兵助比利時。荷蘭乃斂兵退。比利時人遂招日耳曼之薩克撒各不爾厄小侯。留波爾多來國。奉以爲王。自立爲國。比利時境內大河有二。曰義斯加爾達。曰米干塞。下游皆在荷蘭境。貨船由此出運。既絕荷蘭。荷蘭

遏其港口。使不得通。乃造鐵軌。輾路。以石鋪路。鎔鐵汁灌之。使平。如砥。以利火輪車之行。歐羅

巴各國皆有之。以火輪車由陸轉運。以達於海。

比利時平原坦闊。南界僅見岡陵。氣候溫平。土膏腴潤。宜穀果烟

葉。多草場。便牧畜。兼產煤鐵。地分九部。○南巴拉班的。在八部。適

中之地。都城曰不魯拾拉斯。一作木蘭洛士爾。士又作北律悉。建於塞內河濱。宮

廷高大潔而不華。其民工於紡績。所織呢布皆精良。城內外多植

嘉樹。為園囿。供士民遊賞。○安都厄爾比亞。在南巴拉班的之北。

壤接荷蘭。會城同部名。向為水運大埔頭。近年港口為荷蘭所封。

舟楫不行。○東發蘭德斯。在南巴拉班的之西。會城曰干的。織工

所聚。呢布由此出運。○西發蘭德斯。在東發蘭德斯之西。西距大

海南界佛郎西會城曰不魯日。係水運海口。○海腦德在南巴拉班的之西南。與佛郎西接壤。會城曰蒙肆。係內地埔頭。○那慕爾在海腦德之東南。界佛郎西會城同部名。○列日在那慕爾之東。與日耳曼接壤。會城同部名。○靈不爾厄在列日之北。東界普魯士。北界荷蘭。會城曰賣士的里至。此與荷蘭之靈不爾厄相連。會城名亦同。蓋一域分爲兩地也。○盧森不爾厄在列日之南。東界普魯士。南界佛郎西。會城曰亞爾倫。此與荷蘭所轄之盧森不爾厄同名。而會城名不同。蓋地界亦相近也。按比利時本荷蘭南部。兩土合併。猶不敵諸大國之半。其初分也因查理之妄殺。西班牙之侵荷。北部日尋干戈。南部遂羈縻。強敵其再分也。則由於天主耶蘇兩教之角勝。於庠立教以止。

殺也。今乃因教而相屠。豈不愚哉。  
比利時於國初時。曾來粵貿易。絕迹多年。佛郎西其姻鄰也。  
近復爲之代請通市。朝議許之。

[illegible]